



首楞嚴經疏解家鈔

卷四
之五

中



C40
4514
(26)



80

1

2

3

4

5

6

7

8

9

90

1

2

3

4

5

6

7

8

9

90

1

2

3

4

5

6

7

8

9

100

1

2

3

C40-4614

了翁上座譲大成及百
家書置武別紫雲山
我微笑落院庭府中永
為學者不敢許出院內
當山二世鐵牛秋譯記



B 64853

首楞嚴經疏解蒙鈔卷末五錄

卷四

海印弟子蒙叟錢謙益集

佛頂通錄第四

序曰古師疏經必先通釋假此魚筌量彼鳥跡近
師棗柏遠晞月蓋宗通說通橫鑒自在釐爲通錄
披衣挈領毋依靈源而拂尊頂輯佛頂通錄

永明智覺禪師宗鏡錄序云伏以真源湛寂覺海澄
清絕名相之端無能所之迹最初不覺忽起動心成
業識之繇爲覺明之咎因明起照見分俄興隨照立
塵相分安布如鏡現像頓起根身次則隨想而世界

成老後則因智而憎愛不等。從此遺真失性。執相徇名。積滯著之情塵結。相續之識浪鑠。真覺於夢夜。沉迷三界之中。瞽智眼於昏衢。匍匐九居之內。遂乃廢業繫之苦喪。解脫之門。於無身中受身。向無趣中立趣。約依處則分。二十五有論正報則具。十二類生皆從情想根繇。遂致依正老別。向不遷境上虛受輪迴。於無脫法中自生繫縛。如春蠶作繭似秋蛾赴燈。以二見妄想之絲纏苦聚之業質用無明貪愛之翼。撲生死之火輪。用谷響言音。論四生妍醜。以妄想心鏡現三有形儀。然後違順想風動搖。覺海貪癡愛水滋。

潤苦芽一向徇塵罔知。反本發狂亂之知。見翳於自心。立幻化之色聲。認爲他法。從此一微涉境漸成憂漢之高峰。滴水興波。終起吞舟之巨浪。爾後將欲反初復本。約根利鈍。不同於一真如界中。開三乘五性。或見空而證果。或了緣而入真。或三祇熏鍊漸具行門。或一念圓修頓成佛道。斯則尅證有異。一性非凡殊。因成凡聖之名似分真俗之相。若欲窺微洞本。究旨通宗。則根本性離。畢竟寂滅。絕昇沉之異。無縛脫之殊。旣無在世之人。亦無滅度之者。二際平等。一道清虛識智俱空。名體咸寂。迥無所有。唯一真心達之。

名見道之人昧之號生死之始。○復有邪根外種。小智權機。不了生死之病原。罔知人我之見本。唯欲貳喧斥動。破相析塵。雖云味靜冥空。不知埋真拒覺。如不辨眼中之赤眚。但滅燈上之重光。因窮識內之幻身。空避日中之虛影。斯則勞形役思。喪力捐功。不足水拒冰。投薪益火。豈知重光在眚。虛影隨身。除病眼而重光自消。息幻質而虛影當滅。○若能廻光就已。反境觀心。佛眼明而業影空。法身現而塵跡絕。揭疑關於正智之戶。薙妄草於真覺之原。愈入髓之沉疴。截盤根之固執。則物我遇智火之燄融。唯心之鑪。

名相臨慧日之光。釋一真之海。斯乃內證之法。曾在文詮。知解莫窮。見聞不及。今爲未見者演無見之妙。見未聞者入不聞之圓聞。未知者說無知之真知。未解者成無解之大解。所與因指見月得兔。忘窮抱一明宗。捨詮簡理。○雖標法界之總門。須辯一乘之別旨。種種性相之義。在大覺以圓通。重重卽入之門。唯種智而妙達。但以根羸。靡鑒學寡。難周。不知性相二門。是自心之體用。若具用而失恒常之體。如無水有波。若得體而闕妙用之門。似無波有水。且未有無波之水。曾無不溼之波。以波徹水源。水窮波末。如性窮

相表相達性源須知體用相成性相平顯。了知成佛之端絲頓圓無滯明識歸家之道路直進何疑或離此別修隨他妄解如穀角取乳緣木求魚徒歷三祇終無一得若依此旨信受弘持如快舸隨流無諸阻滯又遇便風之勢更加櫓櫂之功則疾届寶城忽登覺岸可謂資糧易辦道果先成能令客作賤人全領長者之家業忽使沉空小乘頓受如來之記名過去覺王因茲成佛未來大士仗此證真則何一法門而不開何一義理而不現無一色非三摩鉢地無一聲非陀羅尼門嘗一味而盡變醍醐聞一香而皆入

法界煥兮開觀象之目盡復自宗寂爾導求珠之心俱還本法

宗鏡全序皆發揚首
楞宗妙故撮而錄之

宗鏡第三問以心爲宗理須究竟約有情界真妄似分不可雷同有濫圓覺如金鑰竝執真僞俄分砂米同炊生熟有異未審以何心爲宗答誠如所問須細識心此妙難知唯佛能辨只爲三乘慕道見有老殊錯指妄心以爲真實認妄貳而爲真子劫盡蒙珍收魚目以作驪珠空迷智眼遂使愚癡之子陷有獄之重關邪倒之人溺見河之駭浪戲焰熾於朽宅忘苦忘疲臥大夢於長宵迷心迷性皆爲執斯緣慮作自

已身遺此真心認他聲色斯則出俗外道在家凡夫之所失也乃至三乘慕道法學禪宗亦逃此心執很方便致使教開八綱乘對四機越一念而遠驟三祇功虛大劫離寶所而久淹化壘跡困長衢斯卽權機小果乃至禪宗不得意者之所失也所以首楞嚴經云佛告阿難一切衆生從無始來種種顛倒乃至而不自覺枉入諸趣等釋曰此二種根本卽真妄二心一者無始生死根本卽根本無明此是妄心二者無始菩提涅槃元清淨體此卽真心亦云自性清淨心亦云清淨本覺由此衆生失本逐末一向沈淪唯知

變心作境以悟爲迷從迷積迷空歷塵沙之劫因夢生夢永昏長夜之中故經云當知一切衆生從無始來生死相續皆由不知常住真心性淨明體用諸妄想此想不真故有輪轉以不了不動真心而隨輪迴妄識此識無體不離真心元於無相真原轉作有情妄想如風起澄潭之浪浪雖動而常居不動之源似醫生空界之華華雖現而匪離虛空之性譬消空淨浪息潭清唯一真心周徧法界又此心不從前際生不居中際住不向後際滅昇降不動性相一如則從上稟受以此真心爲宗離此修行盡縈魔骨別有所

得悉陷邪林是以能動深慈倍生憐愍故二祖求此妄心不得初祖於是傳衣阿難執此妄心如來所以呵斥如經云佛告阿難汝今欲知奢摩他路乃至其誰修證無生法忍古釋云能推者即是妄心皆有緣慮之用亦得名心然不是真心妄心是真心上之影像故云汝身汝心皆是妙明真精妙心中所現物寶僧傳云僧問長沙偈云學道之人不識真只爲從來認識神無始時來生死本癡人喚作本來人豈離識性別有真心耶智覺曰如來於首楞嚴會上爲阿難揀別詳矣而汝猶故不信阿難以推窮尋逐者爲心遭佛呵之推窮尋逐者識也若以識法隨相行則煩惱名識不名心也意者憶也憶想前境起於妄並是妄識不干心事心非有無有無不染心非垢淨垢淨不汙乃至迷悟凡聖行住坐卧並是妄識非心也心本

不生今亦不滅若知自心如此於諸佛亦然

若執此影像爲真影像滅時此心卽斷故云若執緣塵卽同斷滅以妄心攬塵成體如鏡中之像水上之泡迷水執波波寧心滅迷鏡執像像滅心亡心若滅時卽成斷見若知溼性不壞鏡體常明則波浪本空影像元寂故知諸佛境智徧界徧空凡夫身心如影如像若執末爲本以妄爲真生死現時方驗不實故古聖云見鑽不識金入鑪始知錯問真妄二心各以何義名心以何爲體以何爲相答真心以靈知寂照爲心不空無住爲體實相爲相妄心以六塵緣影爲心無性爲體攀緣思慮爲相

此緣慮覺了能知之妄心。本無自體。但是前塵隨境有無境來卽生境去卽滅。因境而起。全境是心。又因心照境全心是境。各無自性。唯是因緣故圓覺經云。妄認六塵緣影爲自心相。故知此能推之心。若無因緣。卽不生起。但從緣生。緣生之法。皆是無常。如鏡裏之形。無體而全因外境似水中之月。不實而虛現空輪。認此爲真。愚之甚矣。所以慶喜執而無據。七處茫然。二祖了而不生。一言契道。則二祖求此緣慮不安之心。不得。卽知真心徧一切處。悟此爲宗。遂乃最初紹於祖位。阿難因如來推破妄心。乃至於五陰六入。

十二處十八界七大性。一一微細窮詰。徹底唯空。皆無自性。旣非因緣。自他和合而有。又非自然。無因而生。悉是意言想識分別。因茲豁悟妙明真心。廣大含容。徧一切處。卽與大眾俱達此心。同聲讚佛。故經云。爾時阿難及諸大衆蒙佛如來微妙開示。乃至不歷僧祇。獲法身等。卽同初祖直指人心。見性成佛。○宗鏡三十六問。若境本無生。心常不住。又何煩立觀。背自天真。答爲未達本無生。而欲向外妄修者。令自內觀。冥合真性。渡海先須上船。非船何以能渡。修心必須入觀。非觀何以明心。心尚未明。相應何日。如上所

說諸觀門。一心之旨義理昭彰。解雖分明。行須冥合。
 因解成行。行成解絕。不可一向執解。背道迷宗。行解
 相應。方明宗鏡。如首楞嚴經所明。全爲見性修行。不
 取多聞知解。所以如來訶阿難言。非汝歷劫辛勤修
 證。雖復憶持十方如來十二部經。^云不能免離摩
 登伽難。乃至阿難白佛言。^云攝伏疇昔攀緣得陀
 羅尼入佛知見等。^{第四卷}是以佛告阿難。汝常聞我毗
 奈耶中宣說修行三決定義。乃至若不斷大妄語者。
 如刻人糞爲栴檀形。欲求香氣無有是處。^{第六卷}乃至
 造十習因受六交報。^{第八卷}是以阿難已悟妙覺明心。

知宗不昧方乃重告善逝。密請修行。故知先悟後修。
 應須理行冥合。若但取一期知解。不慕進修。欲證究竟。
 菩提無有是處。故經云。縱得妙悟。皆是姪根。以生死
 根本不斷。故直須保護浮囊。方渡業海。十習因既作。
 六交報寧亡。皆是一念惡覺。心生顛倒。想起對境。
 作因成之假隨情運相續之心。不以智眼正觀。遂陷凡夫業道。雖則一期徇意罔思。萬劫沈身。是以一切
 如來同宣審宜刻骨。十方菩薩皆懼實可驚心。^{上來二章}
該攝一部首楞大義○僧寶傳引宗鏡二條。僧問如和尚所論。
 宗鏡一心之旨能攝無量法門。此心含一切法耶。生

一切法耶。若生者是自生與從他而生與共生無因而生與答曰此心不從不橫非他非自何以知之若言含一切法即是橫若言生一切法即是從若言自生則心豈復生心乎。若言他生卽不得自矧曰有他乎。若言共生則自他尚無有以何爲共哉若言無因而生者當思有因尚不許言生况曰無因哉僧曰審非四性所生則世尊云何說意根生意識心如世畫師無不從心造然則豈非自生乎。又說心不孤起必藉緣而起有緣思生無緣思不生則豈非他生乎。又說所言六觸因緣生六受得一切法然則豈非共生

乎。又說十二因緣非佛天人修羅作性自爾故然則豈非無因而生乎。師笑曰諸佛隨緣老別俯應群機生善破惡令人第一義諦是四種悉檀方便之語如以空拳示小兒豈有實法哉僧曰然則一切法是心不曰若是卽成二僧曰審爾則一切不立俱非耶。曰非亦成二豈不聞首楞嚴曰我真文殊無是文殊若有是者則二文殊然我今日非無文殊於中實無是非二相○又嘗謂門弟子曰佛祖正宗則真唯識才於諸聖且教中所許初心菩薩皆可比知亦許約教

而言先以聞解信入後以無思契同若入信門便登祖位且現約世間之事於衆生界中第一比知第二現知第三約教而知第一比知者且如卽今有漏之身夜皆有夢夢中所見好惡境界憂喜宛然覺來牀上安眠何曾是實竝是夢中意識思想所爲則可比知覺時之事皆如夢中不實夫過去未來現在三世境界元是第八阿賴耶識親相分唯是本識所變若現在之境是明了意識分別若過去未來之境是獨散意識思惟夢覺之境雖殊俱不出於意識則唯心之旨比况昭然第二現知者即是對事分明不待立

況且如現見青白物時物本自虛不言我青我白皆是眼識見分自性任運分別與同時明了意識計度分別爲青爲白以意辨爲色以言說爲青皆是意言自妄安置以六塵鈍故體不自立名不自呼一色旣然萬法咸爾皆無自性悉是意言故云萬法本閒而人自鬧是以若有心起時萬境皆有若空心起處萬境皆空則空不自空因心故空有不自有因心故有旣非空非有則唯識唯心若無於心萬法安寄又如過去之境何曾是有隨心念起忽然現前若想不生境終不現此皆是衆生日用可以現知不待功成不

假修得。凡有心者。並可證知。故先德云。如大根人。知唯識者。恒識自心意言爲境。此初觀時。雖未成聖。分知意言。則是菩薩第三約教而知者。經云。三界唯心。萬法唯識。此是所現本理。能詮正宗廣在下文。誠證非一。○問曰。此根本識心。旣稱爲一切法體。又云常住不動。只如萬法卽此一心。有離此一心。有若卽心。萬法遷變。此心云何稱爲常住。若離此心。復云何得爲一切法體。答曰。開合隨緣。非卽非離。以緣會故。合以緣散。故開開合。但緣卷舒無體緣。但開合緣亦本空。彼此無知能所。俱寂密嚴經偈云。譬如金石等本。

來無水相。與水共和合。若水而流動。藏識亦如是。體非流動流諸識。共相應。與法同流轉。如鐵因磁石周回而轉移。二俱無有思狀。若有思覺。賴耶與七識。當知亦復然。習繩之所繫。無人而若有。普偏衆生身周行諸陰趣。如鐵與磁石。展轉不相知。寂音曰。一切衆移之中。生心執著。以爲實然。以是橫計。有生有死。罪行福行。如嬰兒自旋見屋廬轉。諸佛大悲爲作方便。譬識心。本來自寂。卽入無生大解脱門。

洪覺範尊頂法論條。論曰。成佛顯決。唯了知自心。入道要門。但隨順心體。何謂隨順。曰稱性觀照也。何謂了知。曰超情悟明也。所以悟明不礙精嚴。觀照謂

之方便。古之聖師宏經必立方便也。問曰。旣曰了知自心。便爲顯決。又曰修證何也。曰圓覺曰。一切衆生於無生中妄見生滅。是故說名輪轉生死。如來因地修圓覺者。知是空華。卽無輪轉。則如來以了知爲修明矣。又曰。一切衆生皆證圓覺。逢善知識依彼所作因地法行。爾時修習便有頓漸。則如來又以修爲方便也。非顯決乎。經言諸法所生唯心所現。一切因果世界微塵因心成體。則知衆生自心力用至大。特以諸塵染汙。故昏劣耳。要當以止觀定慧方便淨治之。使合本妙。龍勝曰。佛說心力爲大。行般若波羅蜜故。

散此大地以爲微塵。以地有色香味觸重故。自無所作。水少香故。動作勝地火少香味故。熱勝於水風少色香味故。動作勝火心無四事故。所爲力大。又以心多煩惱結使繫縛故。令心力微少。諸佛及大菩薩智慧無量無邊。常處禪定於世間涅槃。無所分別。諸法實相。其實不異。但智慧有優劣。行般若波羅蜜者。畢竟清淨無所罣礙。一念中能散如恒河沙三千大千國土。大地諸山爲微塵。故知眞心有此大力。衆生妄隔而不覺知耳。知而能以止觀照之。非要門乎。○經云。我今爲汝建大法幢。亦令十方衆生獲妙微密性。

淨明心得清淨眼者。示此經之宗。所謂明見性者也。又曰。我以妙明不滅不生。合如來藏。而如來藏。唯妙覺明圓照法界。爲滅塵合覺。夫滅塵合覺。又示趣也。世尊以衆生迷故。背此覺體之久。既遇了緣。則當親近隨順之。止觀兩法者。親近隨順之要也。馬鳴又謂之方便。欲顯現真如法故。有二種行。謂觀一切法。修諸善行。以真如離於生死涅槃相故。此行隨順以爲根本。是名行根本方便。以真如離一切過失相故。隨順真如。止息衆惡。是名能止息方便。雜華曰。佛子。譬如金翅鳥王。飛行虛空。回翔不去。以清淨眼觀察海。

內諸龍宮殿。奮勇猛力。以左右翅鼓動海水。悉令兩闢知龍男女命。將盡者而搏取之。如來應正等覺。金翅鳥王亦復如是。住無礙行。以淨佛眼觀察諸宮殿中一切衆生。若會種善根已成熟者。如來奮勇猛之力。以止觀兩翅。鼓揚生死大愛海水。使其兩闢而攝取之。置佛法中。令斷一切妄想戲論。安住如來無分別無礙行。十明論曰。以逃十二有支名。一切衆生悟十二有支。卽是佛故。衆生及以有支。皆無自性。若隨順煩惱無明。行識名色六根相對。生觸受愛取。有成五蘊身。卽生老死。常流轉故。若以戒定慧觀照方便。

力照自身心體相。皆自性空無內外有。卽衆生心全佛智海如馬鳴根本止息二方便觀照此戒定慧三方便觀照與此經欲滅塵合覺之意同也。○般若經言一切智智清淨開法空道也。而一十六會至數千萬偈但舉色一法破之。色有質尚爾虛偽况受想行識四者但名言乎。此經以明見佛性示見聞覺知之性無有也。而兩會數萬言但論見一法者半之適今所標者蓋其源也。如來問阿難當汝發心將何所見及因於心目一章詞義夾奕連綴至緣見因明暗成無見不明白發則諸暗相永不能昏處譬如淘金者砂礦都盡而金自現矣。

猶存無見之見則不可。何以故以非真見故曰見猶離見又當遺聞故曰心精遺聞又當離覺故曰無身覺觸又當離知故曰圓明了知不由心念夫見聞覺知既已遠離非明見佛性之旨與。○雜華曰佛子苦薩摩訶薩如是十種逆順觀諸緣起所謂有支相續故一心所攝故自業。老別故不相捨離故三道不斷故觀過去現在未來故三苦聚集故因緣生滅故生死繫縛故無所有盡觀故聚柏曰此十種逆順觀十二有支緣起相續皆一心所攝但以自業苦樂不同而有老別不離十二有支但如前道斷者所謂心境

無明此三無者餘皆無。若不斷者三苦聚集言三苦者卽行苦苦苦壞苦聚也而能斷者以無無明卽成不苦之妙用理智故問二種行相何若曰無明至六根是謂行苦以迷攀緣不自知故觸受是謂苦苦以受諸觸時卽有苦又加愛戀及以憎妒故餘皆壞苦也依止三苦成五陰依五陰成六入由六入成十二處因十二處立十八界然則五陰者蓋是無始生死之處一切苦業之原當細披剝之使知虛誑涅槃云五陰者念念生滅如其生滅誰有縛誰有解因此五陰生後五陰此五陰自滅不至彼陰雖不至彼陰能

生彼陰如因子生芽子不至芽雖不至芽而能生芽衆生亦爾以是窺觀了不可得如皮旣無毛則安附問曰世尊不正言無生乃曰本非因緣非自然性其意安在曰佛所說法有密說有顯說如本非因緣非自然性者密說也何謂顯說曰如雜華曰譬如河中水湍流競奔逝各各不相知諸法亦如是又如大火聚猛燄同時發各各不相知諸法亦如是又如長風起遇物咸鼓扇各各不相知諸法亦如是又如衆地心意諸情根以此常流轉而無能轉者法性本無

生示現而有生。是中無能現。亦無所現物。眼耳鼻舌。身。心意諸情根。一切空無性。妄心分別有。如是而觀察。一切皆無性。涅槃又曰。如磁石者。是義不然。何以故。石不吸鐵。所以者何。無心業。故善男子。異法有故。異法出生。異法無故。異法壞滅。無有作者。無有壞者。猶如猛火。不能焚薪。火出薪壞。名爲焚薪。譬如葵藿。隨日而轉。如是葵藿。亦無敬心。無識。無業。異法性。故而自回轉。如芭蕉樹。因雷增長。是樹無耳。亦無意識。異法有故。異法增長。異法無故。異法滅壞。如阿迦叔樹。女人摩觸。華爲之出。是樹無心。亦無覺觸。如橘得

尸果。則滋多。如是橘樹。無心無觸。如安石榴。博骨糞。故果實繁茂。安石榴樹。亦無心觸。善男子。磁石吸鐵。亦復如是。異法有故。異法出生。異法無故。異法變滅。衆生佛性。亦復如是。不能吸得。阿耨多羅三藐三菩提。無明不能吸取。諸行。行亦不能吸取。識也。亦得名爲無明緣行。行緣於識。有佛無佛。法界常住。雜華意。以水火風地。皆動轉而無作。無造。誰使之然。初不聞水火風地等。受生死。受業報。如眼耳鼻舌。身意諸情之根。亦皆動轉。無作。無造。誰使之然。而云獨受生死。受業報乎。涅槃意。以芭蕉。葵藿等。皆無敬心。耳識覺。

觸而能成就發生。如無明行識乃至老死。豈獨有分別乎。大矣哉世尊顯演無生法者此也。○既曰歇。卽菩提勝淨明心。本周沙界不從人得。何藉劬勞肯綮修證。及阿難請問從何攝伏疇。昔因緣又示發覺初心。二決定義謂止觀也。止觀雖未至。肯綮非修證乎。曰新學菩薩不知佛意。則於修行有二種。疑。有修證。卽成敗壞之法。疑斷修證。則無成辦之期。故世尊既顯說頂法。深妙微密。畢殫無餘。乃開方便爲發覺初心者。說此二義。夫謂之方便。則非究竟法。馬鳴曰。上說法界一相。佛體無二。何故。不唯念真如。復假求

學諸善之行。答曰。譬如大摩尼寶。體性明淨。而有鑽穢之垢。若人雖念寶性。不以方便。種種磨治。終無得淨。如是衆生真如之法。體性空淨。而有無量煩惱垢染。若人雖念真如。不以方便。種種熏修。亦無得淨。故爲初心。則爲方便。法華經說四種安樂行。至常在閒處。收攝其心。觀一切法如實相。則曰是名親近處。譬如窮子捨父逃逝。冷辨歸來。下劣之心。未能捨故。見其父寶。几承足。白拂執衛。疑非已有。則以方便。二十年間。但令除糞。然後出入。心相體解。卽與名子。以是知佛涅槃時。說衆生佛性有二種。因。一者正因。二者

緣因。正因謂衆生佛性緣因謂六波羅蜜。如乳中之酪。因醉醧發之。乃得成就。○三十二應身。十四種無畏。所言無作妙力。自在成就者。雜華所稱普賢對現色身。法華所稱喜見一切色身三昧也。夫對現色身三昧可以義理盡哉。蓋其宣熏法界。慈善根力。不動真際。應迹十方者也。以聖行慈悲應空機則執持糞器。狀若所畏。以天行慈悲應空機則駛馬見鞭影行大直道。無所畏留。以梵行慈悲應假機則踞師子床寶几。承足商佔徧他國出入息利無處不有。是三種機空中假自然令諸衆生見如是事。此法華色身三

昧也。如來神用十方隨根隨時對現色身。以普光明智。不屬方所。同衆生心。任物現形。無往來故。如文殊師利菩薩回觀善財童子。如象王回旋。蓋隨根對現不背衆生。一切衆生。如應見者。皆如對面。而諸衆生各不相知。皆謂聖者獨對我語。此雜華對現色身也。讓禪師居南嶽。有僧總衆事二十年。縣官勘其出納。僧以無籍記之。臥念於獄中曰。和尚能救我乎。一夕通悟。二十年貲用。件件不遺。乃得釋。讓師初不知也。故人號讓爲觀音應身。石頭大師作參同契曰。謹白參玄人。光陰莫虛度。法眼註曰。住住恩大難酬。法

眼可謂見先德之心矣。衆生日用以妄想顛倒自蔽光明。故多違時失候。謂之虛度光陰。有道者無他能善用其心耳。故趙州曰。一切但仍舊。從上諸聖無不從仍舊中得智。論曰。衆生心性猶如利刀。唯用割泥泥無所成。刀日就損理體常妙。衆生自麤樸嚴云。譬如琴瑟箏篌琵琶。雖有妙音。若無妙指。終不能發汝與衆生亦復如是。寶覺真心。各各圓滿。如我按指海印。發光汝暫舉心塵勞先起。華嚴偈曰。若有欲知佛境界。當淨其意如虛空。遠離妄想及諸取。令心所向皆無礙。○白樂天與濟上人書曰。五蘊十二因緣。蓋一法也。蓋一義也。略言之則爲五詳言之則爲十二。雖名數多少。或殊其於倫次。轉遷合同條貫。今五蘊中。則色受想行識相次。而十二緣中。則行識色入觸受相緣。一則色在行前。一則色次行後。正序之既不類逆倫之又不同。若佛次第而言。則不應有此雜亂。若謂偶然而說。則不當名爲因緣。前後不倫。其義安在。寂音補其答曰。色等五蘊。乃三苦已成之軀。十二有支。乃三世生因之法。華嚴十地品云。於第

一義不了。故名無明所作業果是行行依止初心是識共生四取蘊爲名色等者其叙本末公襲理固然也般若經則曰色即是空空即是色色不與空空不異色受想行識亦復如是破有法不真故也且色體尚爾况四蘊但名色而已哉般若諸經破有之教故言五蘊則色居行之前華嚴諸經序公襲之因故色在行之後非略言則五詳言則十二也

王介甫楞嚴經解

四條

正出爲本旁出爲根首爲元

本爲命元爲性根爲相根若所謂浮塵四根離塵無相故根爲相元若所謂根元清淨四大四大性空清淨本然故元爲性本卽如來藏也涅槃皆從如來藏出本一而已根則不一涅槃受性於本故本爲命所謂浮根者以有根元故流逸奔境者名爲浮塵也所言塵者一切有相皆攬塵成體及其蔽也還散爲塵此經以搖動者名爲塵義根亦塵也謂之根者譬如木根以塵爲相無有自性非四塵不生非四塵不養若離根塵卽乾而死死卽還空衆生六根亦復如是以塵爲相無有自性非四塵不生非四塵不養若離根塵欲愛乾枯無復津潤卽現前殘質不復續生還合空性本異於此但以根元所出得名爲本故經以

無住爲本爲無住本。○所謂見精明元者見受識精又受覺明以有見根根首爲元也既爲見元不可互用卽非妙精明心故如第二月所謂一月真者本覺所現妙精明心也所謂月影者相見無性見聞覺知也若無真月則無第二月亦無月影第二月依真月旁出故如見元月影離月別現故如相見相見待緣如影待水與俱生滅見元雖妄不待外緣但無見勞則滅此妄見精明元如第二月尚不可還則妙精明心如一月真其不可還明矣見精明元卽是見性性見覺明妙德瑩然而以見元譬第二月者若背本起見節捏所成月若了見唯心不背本明卽所謂彼見真精性非寄者○所謂見精明元者是元非本是我非物是見非心是爲見精明元也所謂本覺明心者是本非元是心非見非有我非無我何則衆生認物爲已則謂之無我計我然則無我者物也有我者已也性見覺明是我非物所謂性也若本覺明心則是從本所現一心心一而已誰與爲敵云何有我性一切物未嘗滅云何無我故維摩經曰我無我不二是無我義以心如此故我不足以言之見所緣寄覺見卽寄者覺明起見而見所緣寄彼所覺見卽是寄也

本覺明心覺緣非眚者。此本覺明心覺彼見覺能緣所緣。而此本覺明心非是眚也。覺所覺眚覺非眚中者。覺明起見覺有所是名所覺。此本覺明心覺彼所覺即眚。而此本覺明心非眚中也。覺非眚中。即是見見也。○寂音尊頂論引定林曰。識精爲水。水不搖。則名之爲湛。所謂圓湛者。清淨本然。周徧法界。不分爲六。則湛圓矣。所謂妙湛者。以妙力總持不動。則湛圓矣。所謂覺湛明性者。覺合識精。如日合水。而有明性也。所謂湛精圓常者。即圓湛識精也。所謂此湛非是不流。如急流水。望如恬靜者。經云。識動見澄。則識有

動性。名爲想元。自非妙湛總持。則念念愛業。習氣暴流成諸行矣。經於諸行。喻如流者。以此然識比諸行。猶名爲湛。所謂湛入合湛者。如波瀾滅化爲澄水。名行陰盡。內內湛明。入無所入。名識陰區宇。則所謂湛入者。識陰也。湛入爲識陰。則湛爲性識明知。明知卽智。智之與識。是識邊際。故說五陰。而曰湛入合湛歸識邊際。性識不名湛入者。周徧法界。無出入故。所謂內內湛明。入無所入者。湛出爲行。行如水流。湛入爲識。識滅行陰。則內內湛明。入至想元。更無所入矣。所謂識精者。卽阿陀那識也。所謂黏湛者。黏此識精也。

如水清潔本無黏性。妄起分別與色合故水土雜矣。乃能成黏。若識此識者。如水清潔本無黏性。能不_合色脫黏。內伏湛有圓湛。有妙湛。有覺湛。有精湛。有湛入。有黏湛。如前義錙銖之分較盡法之喻也。

張無盡海眼總要息諍論第六

問曰文殊偈云覺

海性澄圓圓澄覺元妙元明照生所所立照性亡迷妄有虛空依空立世界想澄成國土知覺乃衆生此與吾中國之書談天地之始終孰是孰非耶對曰周易不云乎易有太極是生兩儀兩儀生四象四象生八卦又曰一陰一陽之謂道陰陽不測之謂神老子

曰有物混成先天地生寂兮寥兮獨立而不改周行而不殆吾不知其名字之曰道又曰道生一一生二二生三三生萬物莊周曰未始有物者至矣又曰夫道生天生地神鬼神帝列子曰氣形質具而未相離謂之渾淪又曰無極之外復無無極無盡之外復無無盡黃帝內書曰太一之先其形自然上開下廓變化靈源正元君曰太一者元一之氣始生於太虛之上有玉京之天乃玉京山也四方各有八天三十二帝居之玉京之上有玉清上清太清三清之上有虛皇十天元老元君元尊與天真九皇居之天皇真人

降天真元氣分六元而爲混沌之象。風輪下降。水輪上升。二氣停澤。上自玉京。下至玄泉。由此故有南正北正。五運六氣。通乎人身。一晝一夜爲一萬三千五百息。噫。古之聖人。神人。窟理盡性。殫乎此矣。莊周謂之未始有物。列子謂之混淪。老子謂之渾成。易謂之太極。內書謂之太一。意者。天地既分之後。始可以開物成務。與民同患。蓋佛之色界欲界也。涅槃經曰。劫初衆生非器。佛不出世。且夫莊周之見獨。疑始老氏之恍惚。杳冥周易之神而明之。仁者見之謂之仁。智者見之謂之智。百姓日用而不知。而況於六合之外。

哉。然則易之四象八卦。黃帝之五運六氣。德經之道。生一一生二。生三以參合乎佛之四輪。風金相摩。水火相燄。逆順詳略。曷不殊途而同歸。與內書所謂玉京山三十二帝者。豈非佛之所謂須彌山頂忉利天乎。虛皇天者。非佛之大梵天乎。內書以天皇降九天。梵天爲世界主。所謂三清天者。非佛之空居天乎。三教息諍圖序曰。大梵天爲世界因主。不知上有光音諸天。而謂我能有所生。有所生。則氣有所降。此天真九皇所以降氣於風澤之中。而造世界也。氣有陰陽。則道有男女。如道家之三清。侍以金童玉女。此吾判欲界空居爲三清天也。易之八卦。蓋本乎天真九皇之氣也。列子所謂無極之外無極。無盡之外無盡。非佛之所謂無量無邊河沙世界乎。夫若

大梵天王之上。陰陽之所不及。其天日少光無量光。光音乃至色究竟天。雖大梵天王有所不知。六合之外。孔老亦置而不論。此釋迦文佛所以超乎無想之外。出乎空識之表。而謂之不可思議也。佛書

日月繞須彌山以爲世界。周易乾坎艮三卦與虞書之辛壬癸甲。卽須彌山之西北正北東北也。璇璣玉衡。周天三百六十五度。四分度之一以爲天運。四天下度數局於是矣。此方之教有神人。有至人有真人。有聖人。有賢人。有士君子。能依三皇孔子之道而修之。則其爲必矣。西方之教有四果。有權教菩薩。有實教菩薩。有等覺。有妙覺。能依佛說而修之。則其證必矣。佛教訶心曰。前塵妄想。非汝真心。此方之言心也。

易之咸卦是也。咸感也。去心而曰咸。則有心不可以感物。九四心之位也不曰咸其心。而曰朋從爾思。則心之至大至虛。不可以爻位而效此也。又曰復其見。天地之心乎。王弼曰。動息則靜。非對動者也。老子所謂歸根曰靜。靜曰復。命復命曰常。天地之心於此可見。庶幾乎佛所謂寂滅現前。與今黃老之教訛繆爲方士神仙之書義。孔之教破碎爲傳註諸子之學。而惑者以迹求之。遠之遠矣。佛之生於西方也。功行具足。因果圓滿。師弟成就時節會合。然猶成道之初。於波羅奈城轉法輪所出音聲。上聞於梵天。臨入涅槃。

於拘尸那城轉法輪所出音聲始徧於十方。二百恒河沙等諸佛世界。由此言之調伏剛強衆生豈不艱乎爲力哉。經曰從無始來世界顛倒又曰本覺明妙性覺妙明無始則何時而非始也。本覺則何覺而非妙也。修之現前證之如實非能仁其孰能與於此。今疏鈔諸家不以此尊其師而紛紜評論卑老莊爲凡鄙指太極爲邪因非佛之所謂善來也。因著於篇以息其諍。無盡疑清涼疏鈔不應斥老子自然周易太極並爲邪因致書於隨州大洪山報恩禪師望紙後批示以斷疑網。師答書最爲詳確三教息諍論圖蓋緣起於此然蒙觀無盡此文不過施設門庭未是徹法源底執是以料簡清涼則過也天台清涼兩家判此方儒道得失以周弘正釋三玄爲準天台但破二玄清涼廣破三玄各有理在清涼謂西方外道明說三世多信因果知厭生死欣求涅槃但真源小老致去道懸遠况此方儒道善止一身縱有終身之喪而無他世之慮氣變爲神神由氣就氣非緣孰出於自然聚散氣爲死生歸無物爲至道不知三界由乎我心方之釋氏豈可同年自始無始別乃至歸異歸別廣明十異深識濫同天台云今世多有惡魔比丘越濟道士誇談莊老以佛法義偷安邪典以道可道非常道名可名非常名均齊佛法不可說示檢校道理邪正懸絕如前所說諸生諸不生諸四句諸不可說汝尚非單四句外不可說何況複外何況具足外何況犢子耶尚非犢子何況三藏通別圓耶。敎示悟多方然既異一心寧非四見此是天台清涼設教之大綱而慈恩永明所同宗也天台破二玄云三界唯心萬緣一致若謂太極陰陽能生萬物常無常斯爲衆妙之門陰陽不測是爲無方之神雖聖人設教之大綱而慈恩永明所同宗也天台破二玄云三界唯心萬緣一致若謂太極陰陽能生萬物常無常斯爲衆妙之門陰陽不測是爲無方之神雖聖人設教之大綱而慈恩永明所同宗也天台破二玄云三界唯心萬緣一致若謂太極陰陽能生萬物常無常斯爲衆妙之門陰陽不測是爲無方之神雖聖人設

世藥如孔子周公制君臣定父子禮律節度此扶於戒也樂以和心移風易俗此扶於定先王至德要道此扶於慧元古渾沌未出世邊根性不感佛與我遣三聖化彼真丹禮義前開大小乘經然後可興真丹既然一方亦然故前用世法而授與之大洪答無盡書云古人有言緣昔真宗未至孔子且以繫心今知理有所歸不應猶執權教是亦周孔老莊設教立言之本意一大事因緣之所成始所成終也此則智者大師通釋三玄識藥授藥之微旨圭峰原人論會通本末一門儒道二教同歸真源亦此義也無盡之論此二何居其所判虛皇爲大梵天者蓋影響台家印老子爲榮初禪之說不知道書玉京虛皇乃刺取內典須彌忉利薈蕞成之初不可以爲典要也以周易之三卦虞書之辛壬癸甲算須彌山之三垂璧亥之步自北極以至于南極將誰使正之既不考古義之源流又不依大洪之和會偏舉其影響測量之見用以齊教門而息諍論吾未知其可也自永明圭峰已後禪講師席咸欲收合外宗以明廣大迄於今日盲師日學掇拾三玄剽畧其殘膏剩飯以相誇詬昔以加水喪失醍醐今抨驢乳但成屎尿清涼有言

棄欲界之欲攀上勝出之妙。卽以初禪等爲妙。莊公黃帝問道觀神氣見身內衆物以此爲道似通明觀中發得初禪之妙。若言諸苦所因貪欲爲本。若離貪欲卽得涅槃此無三界之欲得滅止妙離之妙。又法名無染若染於法是染涅槃無此染欲得一道微妙妙此諸欲欲妙皆無汝得何等尚不識欲界初禪妙况後欲妙耶。若與權論乃是逗機漸引覆相論欲妙不得彰言了義而說又止觀入假識藥云衆生應墮三塗聖人愍念以世善法權接引之令免惡趣然施法藥凡愚本自不知皆是聖人託迹同凡出無佛世誘導童蒙大經云一切世間外道經書皆是佛說非外道說光明云一切世間所有善論皆因此經若深識世法卽是佛法何以故束於十善卽是五戒深知五常五行義亦似五戒周孔立此五常爲世間法藥救治人病出假菩薩當別於通明觀中勤心修習大悲誓願精無怠諸法益加豁然明解於世法永無疑滯然世法藥非畢竟治屈步移足雖垂盡三有當復退還如雨彩衣其色駛脫世醫雖耄老復還此之謂也又應病授藥者既知苦集之病又識道生之樂若衆生無出世機根性薄弱不堪深化但授

求一時之小名混三教之一。政習邪見之毒種爲地獄之深。因可不誠哉。可不懼哉。蒙故於海眼息諍之論畧發其端而謹錄海印本師。發明世界相續風金眼妄判教宗。輕議往劫也。

憨山和尚通議云。世界乃唯識所變之相分始因迷妄有虛空依空立世界。故推覺明之無明以對頑然之虛空而爲世界生起之本。空晦昧中結暗爲色。此正結色之始也。四大乃世界種。正儒家所推先天之五行。謂由無明而成四大之世界。則天地以之而位。由四大而爲五行。故萬物以之而育。然世界卽吾人所居之天地。非別有一世界也。云有風輪執持世界者。老氏指覺明之無明爲道體。故曰。

杳杳冥冥。其中有精。又以空體爲虛無大道。指此風相爲冲氣。故曰專氣致柔。又曰天地之間。其猶橐籥乎。此老氏之道源也。儒氏以識神爲天命之性。指空大爲太極。指此風大爲混元。一氣由一氣以生成萬物。是皆不知唯識所變也。太極圖黑白相參。白卽覺性。黑卽無明。政不生滅與生滅和合成阿賴耶識。爲生萬物之始。以此識有三分。而虛空世界乃相分也。云有金輪保持國土者。此儒家所言一陰一陽之謂道。以爲生天生地之本也。此中空靜也。暗幽也。故爲陰搖動也。覺明也。故爲陽。故曰動靜有常。剛柔斷矣。

由動靜以成金輪爲地大種。卽天地初成之始也。動爲乾體。靜爲坤體。故形而上者爲天。形而下者爲地。所謂乾坤成列。而易在乎其中矣。斯則陰陽未形。而動靜剛柔已具。故曰想澄成國土。所謂先天之易也。云有火光爲變化性者。此易所言剛柔相摩而成變化。形而上者在天成象。爲日。乃太陽之火精也。形而下者在地成形。爲火。乃變化性。謂變生爲熟化。有爲無。且後天五行與爲風。爲水。故鑽木取火。以得先天之性也。此四象中日也。云有水輪含十方界者。此卽易所謂形而上者。在天成象。爲月。太陰之精。爲星辰。

形而下者爲江河湖海流注之水。此四象真矣。由因覺明空昧。一妄相待。而有風金二大。因風金相摩。而有火大。因火蒸寶潤。而有水大。由因四大而成天地。陰陽日月星辰之四象。故易言太極生兩儀。兩儀生四象。以爲八卦之體。又曰。天尊地卑。乾坤定矣。卑高以陳貴賤位矣。動靜有常。剛柔斷矣。在天成象。在地成形。變化見矣。四大部洲。江河湖海。山川草木。一氣流行。陰陽錯綜。五行相生。八卦流變。至六十四。故易卦始於乾坤。終於既濟。未濟經曰。爻妄發生。遞相爲種。以是因緣。世界相續。此後天之易也。以此而推世。

界從覺明。唯識所現皎然不爽。予昔遇梵僧。謂楞嚴經盛談五行之妙。大慧禪師亦云。楞嚴世界相續說。

○原人論議曰。從空初成世界者。空界劫中是道教指之云。虛無之道。然道體寂照。靈通不是虛無。老氏或逃之。或權設務絕人欲。故指空界爲道。頌曰。空界大風起。空界中大風。卽彼混沌一氣故。故彼云。道生一也。頌曰。光明金藏雲。金藏雲者。氣形之始。卽太極也。雨下不流。陰氣凝也。陰陽相合。方能生成矣。梵王界領彌者。彼之天也。萍濁者地。卽一生二矣。三禪福盡下生。卽人也。二生三。三才備矣。地餅已下。乃至種種。卽三生萬物。此當三皇已前。穴居野處。未有火化等。○又曰。卽彼始自太易。五重運轉乃至太極。太極生兩儀。彼說自然大道。如此說真性。其實但是一念能變見分。彼云元氣。如此一念初動。其實但是境界之相。○東溟管氏曰。四大卽先天之五行。五行卽後天之四大。儒家從陽變陰。合說五行。故以二五之真。

合無極之真。而曰五行一陰陽。陰陽一太極。太極本無極。其實五行皆自覺迷起也。不逃則何以分一真而爲五。又有游氣紛擾之說。紛擾非妄想。而何釋家從無始妄想說四大。故以不生滅之真。如含生滅之無明。而曰由津潤妄想起水大等。其實四大俱自一真來也。不真則何以同覺皇而稱大。又有大性不壞之說。不壞非真常。而何畢竟。儒家五行說到至精至密。是天地定位後事。釋家說四大。推到生天生地之初。謂世界依空而立。空輪之上爲風輪等。又推其所必然之故。而曰。覺明空昧。相待成搖。乃至交妄發生。遍相爲種。此則世界最初緣起之由也。儒家聖人。何以不推及此。所以身在綱常中。但當從陰陽五行中。調劑宣發。不應外陰陽五行以求無極。所謂隱行顯權也。佛氏則權實雙顯矣。故儒家多從一歲氣機上說動靜。而釋家則從大劫成住壞。空上說動靜。此非凡智所能及也。

大慧語錄云。有蔡州道士話間。忽問佛具正徧知。世上事一一說盡。何故不說金木水火土之緣起。山

僧是時自家漆桶未破。未暇理會。逮至夷門。打發此事了。因讀楞嚴經。佛言富樓那如汝所言。清淨本然。乃至以是因緣。世界相續說。金木水火土可殺。分曉看。教乘文字。也要大法明後。自然不費力。自家叢得禪了。便見得富樓那執相難性。又見如來就性上說。地水火風。一一清淨本然。周徧法界。胸中了無疑滯。心地未明底。不免疑惑。世界從甚麼處起。將來向甚麼處滅。爲復先有世界。爲先有人。若復先有世界。古德不應云。三界唯心所現。萬法唯識所變。若道先有。人旣未有。世界人却在何處安頓者。些子不妨被他。

室礙大法。一明自然分曉。所謂變大地作黃金。挽長河爲酥酪。不是老事。張無盡有言。先佛所說於一毛端現寶。王刹坐微塵裏轉大法輪。是真實語。法華會上多寶如來在寶塔中。分半座與釋迦文佛。過去佛現在佛同坐一處。實有如是事。非爲表法智者大師悟得法華三昧。見靈山一會儼然未散。山僧嘗愛老果和尚。提唱至此。歡喜踴躍以手搖曳曰。真箇有恁麼事。不是表法。你輩冬瓜瓠子。那裏得知。

無盡居士不知。幾百生中學般若來。今生如此。郤見得。徹識得。根本得。大受用。註楞嚴海眼經。說八成就。

云理無不如之謂是事無不是之謂如三界獨尊之謂我心洞十方之謂聞多之所宗之謂一一之所起之謂時始覺合本之謂佛隨緣赴感之謂在具此八義則處處道場塵塵法會自來不會有人如此說往往邪師輩以無言默然爲始覺以威音王那畔爲本覺固非此理既非此理何者爲覺若全是覺豈更有逃若謂無逃爭奈釋迦老子於明星現時忽然便覺知得本命元辰在者裏所以言始覺而合本覺謂始覺時從明星上起信忽然覺悟自性本來是佛大地有情更無毫別喚作始覺合本覺方始成佛如禪和

家忽然摸著鼻孔便是者箇道理

古人依龍樹經首置六成就無

盡立異開六爲入而妙喜極稱之經初應稱如是我聞是佛遺囑阿難我者阿難海我也聞者阿難聞也而無盡釋之曰三界獨尊之謂我心洞十方之謂聞違背經論結集明文尤言無當初無妙義也清涼釋成佛義云始本不二目之爲成起信云謂始覺同本覺無復始本之異名究竟覺長水釋題曰佛頂者究竟覺也始本不二名究竟覺今謂自來不會有人說到豈是中別有祕密藏也無盡刪修楞嚴恣意改削越僧慧印謂妙喜所稱譽標爲新舊二經雷庵受師正備矣妙喜語錄有答孫知縣書謂不當以臆見刪改金剛援據經書指陳因果詞嚴義博累數千言蒙謂引雷庵之論以駁無盡不若移妙喜之書以駁無盡所謂借婆裙帔拜婆年也同是大藏也安得尊般若而易首楞同是刊經也安得讚張相而訶孫君識法者懼自語相違若不以妙喜駁無盡殆又將以妙喜駁妙喜也龍舒王日休更定金剛六譯宋學士謂日休與大慧同時惜不一見而箴其失令日休而果遇妙喜也則未知其將從孫尹之例乎抑亦蒙海

眼之印乎。吾何足以定之哉。

中峰和尚徵心辨見或問六條 問曰心體既徧於山河大地緣何離身外咸無知覺豈曰心徧而不具知覺耶答萬竅並號扶搖莫知其有力羣幽洞燭晨曦自若其無功至理未嘗不融逃妄以之自惑汝謂離身不具知覺且置勿論言身內之知覺者不過飯之而飽衣之而暖染之則垢澁之則淨至於順喜逆瞋樂榮苦辱與夫博通事物記持古今而已如上所緣皆似知覺而非知覺也何謂似乃因根境相對虛妄緣塵和合而有非真知覺如來之徵辨者政所以發明於此也汝猶不悟復認此爲知覺且汝身中咸捨此妄則何以爲知覺乎或曰此身旣無知覺豈可同土木耶答此身離却虛妄緣氣政同土木無殊或曰如是虛妄必從何起答亦無起處但是汝一念自背真覺之體卽其真覺轉爲如上虛妄緣塵或曰悟達之士寧有飯而不飽衣而不暖者乎知則亦同虛妄不知則還同土木耶答汝言不知則真覺之體安有暫時不在乎迷而爲識悟而爲智換名不換體也故云根塵同源縛脫無二識性虛妄猶如空花何謂識認體爲我執持分別之謂也何謂智了體非我離

諸分別之謂也。或曰悟達之者見山不曰水見僧不曰俗謂之無分別可乎。答真寂體中本具靈鑑分別而與識分別異者識乃起心分別智乃無念分別也。或曰既云無念憑何分別答子不見明鏡乎鏡乃無情不具諸識安有念體妍則現妍醜則現醜現有分別而實無有能分別念與吾靈鑑之體何殊萬竅因風而號風何意於號萬竅群幽由日而燭日何念於燭群幽皆體本如然似有爲而實無能爲之心耳汝如知此則終日喫飯不妨言飽何曾嚼破粒米終日著衣不礙言溫何曾挂得寸絲修習空花梵行冥坐

水月道場真知靈覺一道齊平豈分其身內身外乎汝問云身外咸無知覺今復問汝汝今離此四大身外覺有物耶覺無物耶若曰不覺有物應同土木旣曰有覺能了知耶不能了知耶縱汝失心不能了知認明爲暗指色爲空雖曰謬陳非無知覺况是縱手所指虛空物象大小美惡靡不明了若無知覺孰臻於此忽然之間妄惑頓空執情銷落則知十方虛空是大圓鏡不加磨拭而照古照今三千刹海卽楞嚴王豈假證修而融凡融聖到此則所謂虛妄知覺將無地可寄矣永嘉大師謂若以知知寂此非無緣知

此破依文字能所而知。此靈知之體也。卽經所謂立知立見。卽無明本何則。蓋欲妙契靈鑑體中。本具無念之知。此無念之知。不容別有所知也。又云。若以自知寂亦非無緣。知謂不假文字因緣。夙根不昧。生而能知。言非無緣者。尚存能知之迹耳。故云。自心取自心。非幻成幻法。何則。真寂體中之知覺。元不因一法而具也。苟不依體而證。儻存毫末許言。其知見者。皆墮戲論。汝言身內外者。豈特戲論。斯實狂愚矣。○或問。衆生知覺與如來知覺同耶。異耶。答。衆生食鹽曰鹹。諸佛乃至不淡。諸佛指火曰熟。衆生則曰不寒。遞

表之。詮殊途知覺之性同轍。苟真妄而不隔。則生佛以何殊。然而知覺約有二種。一曰真知真覺。一曰妄知妄覺。此二種似同而異。雖異而同。故凡聖以之區分。迷悟以之隔越也。圓覺序謂血氣之屬必有知。凡有知者必同體。此正指真知之體。衆生本來具足。與諸佛常住法身。覲體不別。此體湛然常寂。廓爾靈知。名之曰心。徧含法界。諸世間相。剎那剎那。生住異滅。而此體不動。如來所徵者。直欲顯此心耳。此心離一切名相。及與聖凡染淨。因緣自然。真妄和合。以至見聞覺知等法。所謂妄者。卽今四大爲身。根塵相對。蘊

藏陰識隨處執持而生分別。取捨愛憎念念遷流者也。此之妄體由根塵虛妄和合似有其體。根塵忽消此妄亦滅。此卽阿難所指之心也。如來云胡不斥之哉。故曰此虛妄心離於前塵畢竟無體。又曰由塵發知因根有相相見無性同於交蘆此所謂似同而異也。○或問此虛妄體爲是依真而有爲是離真別有若曰依真而有則妄即是真。若曰離真別有則宛成二體答依真立妄似結水以成冰。由妄顯真若見煙而知火固是堅冰卽水奈何水無流動之形。雖曰猛火卽烟而乃火無鬱燎之象執之則千塗各立了之。

則一道齊平法界之理既然則如來不容其默矣。良由衆生不達聖人善權方便隨其語言而生執縛無同異中熾然成異。如來所以對同立異真妄斯彰。破異立同真妄俱泯而經中舉一巾六結立喻詳明。一巾喻真六結喻妄非一巾無以成六結真爲妄所依非六結無以顯一巾妄爲真所倚故如來謂結解因次第六解一亦亡則知群妄既消一真何有以妄望真雖異而同也。○或問真該妄末妄徹真源真妄既同生佛之途常異何也答起而無生諸佛入涅槃於衆生識海寂而常動衆生墮生死於諸佛心源理求

之則全同。事推之則迥隔。雖曰同具知覺之體。諸佛自空劫以來。如理而解。如解而行。如行而證。而衆生有迷而未解者。有解而未行者。有行而未證者。以故異耳。然迷而未解者。固不可論。而况口談實相。而意逐攀緣。跡履虛空。而情況有海。虛叨了解。之虛名實墮。凡愚之劣行。然真妄同源。言其性具。未有不絕妄而返真。不遺真而契理者。惟頓漸之等老耳。此約事行而言。若約理則十法界同具一心。經云。心佛衆生三無差別。豈心佛之果異耶。其所異而不能同者。乃妄未遣也。真未泯也。總而言之。惟心之所以未明也。

○或問真妄之外。別有心耶。別無心耶。答。屋是總名。依屋以顯其成壞。心爲正體。因心以發其妄。真曲引喻文。重下註脚。一心喻虛空也。真喻明也。妄喻暗也。當明時。空與之俱明。暗時。空與之俱暗。真妄似與心同也。非虛空無以顯其明暗。則真妄不離心也。極而究之。則虛空之體。今古廓然了。不爲明暗之所遷。乃知一心與真妄泮然矣。列群峰於五岳。咸消高下之形。引萬派於四溟。共失淺深之迹。豈真妄之復云哉。

○或問久爲妄所纏。欲斷絕之。未有其方。如何。答。不識妄從何起。而欲斷妄。若妄從心起。則妄可斷而心

亦可斷。心既可斷，則諸佛之一乘、菩薩之六度、緣覺之十二緣、聲聞之四諦、天人之十善，皆可斷也。使其果可斷，則眼之所見、耳之所聞，乃至舌味、意緣、水溼火熱、風動地堅、世出世閒，俱可斷也。如上諸緣不可斷，故則汝所謂妄者亦無有可斷之理也。曰：苟不可斷，則未免相續去也。咄！是何言與？其起心斷妄，尚爾不許，豈容其相續耶？據爾云：則爾之妄體，果有斷滅之時也。苟未嘗斷滅，則何續之云乎？汝元不知自無始劫前，最初不覺，譬如寸念違背真心，引起遷流，迨今新新不住，乃至諸佛出世。祖師西來，皆汝妄情之疑，請求達者。

所執受欲絕，此妄當明自心。自心一明，則無邊妄緣覲體融會矣。辭曰：妄非心明而不絕，心非妄絕而非明。心明則絕妄，而明妄絕則明心而絕妄。絕故色空明暗，不礙眼光，何見之可辨？心明故見聞覺知收歸毫末，何心之可徵？誠爲祖禰不了殃及後人，更或有疑，請求達者。

紫柏可大師楞嚴解七條 夫明心是明，何心爲明？真心耶？爲明妄心耶？若明真心，真外無妄，更教誰明真心耶？若明妄心，爲妄心，有可明以明之耶？爲無心，可明以明之耶？有心可明，則阿難認能推窮者爲心。

世尊直咄之不許。世尊之意。冀阿難回機返照。照此能推窮之心爲在七處。爲不在七處。若在七處。則處處推心所在。皆一無所在。若不在七處。則根境都無心託。何處阿難於七處徵心時。推窮不精。呈答未了。以爲能推窮者。卽七處推之無在。然知無在之心。又是何物。若初計在七處之心。一一推之無在。然現前能知無在者。又是何物。前是依根塵而有之心。後是離根塵而有之心。雖直下推之無在。而知無在者。是必我心。故阿難曰。我以能推窮者爲心。不知旣經七處推窮。則有在之心已了無在久矣。然有在之心。是

託有境而有知。無在之心。是託無在而有託。有在而有之心。阿難已忘之矣。惟託無在而有之心。尚認爲心。所以佛雖咄之。阿難心終不死。至於見聞覺知俱離。內守幽閒。猶爲法塵分別影事。阿難心稍有肯處。終不能全肯者。似未悟法塵分別之影。此塵此影。卽無在之異名故也。如果知此塵此影。本無在之境。牽夫無塵智者。從凡而至聖。從迷而至悟。苟微此智。則一切衆生。終不可成佛矣。此章題曰明心。不亦宜乎。○靈光寂照。彌滿清淨中。不容他外。此有法無有是。

處。凡衆生見心外有法。督爾念生。念生卽有我。有我卽有限量。有內有外。內則根識是外。則依報是。因是有我。我所三細六麤。次第生起。元是一箇圓常。佛性。衆生念起之後。膠於根塵識託其中。戀能戀所能。卽六根所。卽六塵。根塵能所。疆界確然。根塵之初。本光本自圓滿。此光元無常性。督爾不覺。變起根塵。光暗其中。卽名爲識。故曰。失彼精了。黏妄發光。根塵是所黏識。是能黏如眼識不能自生。必由明暗二塵引起。若無前塵識。終不有故心外見法者。則有前塵。有前塵則有妄識。既有妄識。卽有疆界。六根次第應。

用。一點融通不得。皆情識封蔀故也。若能當下照此一念。卽念本無念。尚不有妄。有前塵。凡有前塵。留礙只是自家直下。不能觀破此念。故棗柏云。十世古今。終始不離於當念。無邊刹海。自他不隔於毫端。天台智者云。一念具三千。謂有念時。念息三千泯。謂無念時。行者當於起念時。了不可得。念息時。洞照十方。真心發照。起不托塵。圓滿本光。迢然迥脫。心外無法。又喚甚麼作根塵經云。緣見因明。暗成無見。此是陷根塵的樣子。雲門云。盡大地是沙門。一隻眼。卽同經云。

今汝諸根若圓拔已乃至化成無上知覺等器世間是無情衆生有情云何衆生悟了一切無情器世間亦化成無上知覺者箇竅子不知在何處雲門話頭有照處便有用在經旨直饒會得只是一箇照用處六根平用也不甚奇特會得從緣薦得相應捷之句。卽便受用得來也○緣明有見是謂衆人不緣明有見是謂聖人然鴟夜撮蚤虱見秋毫晝則瞑目不見丘山因暗有見明成無見又虎狼猫犬晝夜俱見則與不緣明之見何別猫犬根全則見聖人根全亦見根不全亦見至於頂亦見足亦見背腹亦見周身

八萬四千毛孔無不見者大悲菩薩八萬四千母陀羅臂臂有手手有眼楞嚴會上大覺聖人於六根之中略舉眼根臨濟曰汝等諸人赤肉團上有一無位真人。在人六根放大光明此光豈待成佛而有以橫計明暗之執未消藉明塵則見不藉則昏如明暗執謝於大夜中見不殊白日而白日之中光亦不增不惟根塵迥脫卽根塵皆復本光矣嘉靖中有僧書華嚴經精誠堅至能於暗室書經如白晝余不敢自祕願與天下共之○琦楚石禪師閱首楞嚴經至緣見因明暗成無見不明白發則諸暗相承不能昏遂大

悟根與塵初不相到。衆生橫計未消於無明暗中。橫見明暗耳。教中謂之非量。以第六識不能檢名責實。乘理折情。從由塵發知之知。知奔前境故被好醜所轉。若第六識未起。五根照鏡。如鏡之光了無分別。謂之現量。若於緣見因明之見能以由塵發知。因根有相互奪而痛觀之。觀之有入則所不待忘而所未嘗有。累於見精卽有心觀察無塵智也。謂之比量。此觀不熟。不能以理折情。智通之信不開。故不能出依通之信也。一切明暗非明暗與吾見精何交涉。聲塵動靜亦復如是。楞嚴會上慶喜計現前能推窮分別爲。

心。佛教羅睺擊鐘。欲令於聲塵動靜起滅處薦得。如香嚴屢參爲山不契罷去。已聞擊竹大悟。向爲展禮喜。當時不曾爲我說破。有偈曰。一擊忘所知更不假修持。動容揚古路不墮悄然機。香嚴所知卽慶喜能推窮尋逐之心。此心卽由塵發知之知。此知不忘。則智通之信終不能入。饒汝談玄談妙。辨齊佛祖。不過依通之信而已。又由塵發知之知。卽香嚴未見爲山時能所心也。此能所心。雖爲山大善知識。不能使其頓忘。須待聞擊竹聲。自忘始得。故知此事决不可以。情求。情求不出乎根塵妄想。如了達根塵無性。則由

塵之知亦自可忘。能作是觀察方謂之比量也。○般若有三種所謂文字般若觀照般若實相般若也。又此三般若名三佛性緣因佛性了因佛性正因佛性也。娑婆教體實在音聞有音聲然後有文字有文字然後有緣因佛性有緣因佛性然後能熏發我固有之光固有光開始能了知正因佛性正因佛性既變而爲情苟不以了因契之則正因終不能會也。了因雖能契正因若微緣因熏發之則了因亦終不能自發也。緣因卽文字三昧之異名也。了因卽音聞之機之異名也。學者能觸類而長之則文殊文字三昧與

觀音音聞三昧皆不在文殊觀音與釋迦文佛在我日用而已。

又云夫清淨本然則無方所云何忽生之

南北之名有名則必有實故西方屬兌東方屬震北方屬坎南方屬離華嚴善財童子何故畧三方而獨詢南方得非南方離卦在耶蓋離中虛虛則明明則文故曰離乃文明之象也夫文字語言必本於音聲音聲又本於自心之虛靈華嚴四十二字字字包含義理無盡誠以字本於聲音本於心心乃我固有之虛靈也且此四十二字攝四十二位法身大士因諸大士皆處南方故善境不憚百城烟水風逆順誓於百尺竿頭更進百步者蓋欲歷盡諸大士門庭故也嗚呼諸大士門庭豈易歷哉苟不能以理折情則死生禍福之關誠不易破卽首楞嚴五十五位真苦提路自初信以至於等覺金剛道後於四十二品無明重重歷煥無明煥盡妙覺始圓亦不出以理折情四字良以理無我情有我能以無我折有我則有我日消無我日光故善財餘方不詢獨詢南方者蓋離心之譬也亦心外無法故也。

○夫眼夢

色耳夢聲鼻夢香舌夢味身夢觸意夢法而一身之
微六根皆夢脫無有覺之者則一夢永夢矣於是
六悲菩薩教之以眼觀音以耳聽色以鼻嘗味以舌
嗅香以身攀緣以意覺觸是以六夢忽醒覆盆頓曉
也卽此觀之以順流用六根則六塵皆夢媒以逆流
用六根則六塵皆覺雷如二十五圓通以六根六塵
六識與地水火風空見識迭互爲雷震驚夢者○人
之所以有生死者以見思未斷耳見則五利使也思
則五鈍使也歷三界九地而言之所以有開合也開合相具天台四教儀註中此十斷盡藏教果頭位也圓教七信相

似位也果頭七信一位賢聖斷此十惑初修空觀空
分別我法二執二執卽十惑也亦開合之異耳唯圓
教一心三觀圓修滿進最初志在直破根本無明不
在見思塵沙觀志堅猛任運而進見思初惑帶落之
也如壯夫入陣射馬禽王然刀頭展處王之左右任
運而傷者未嘗不有也王者根本無明也左右者見
思惑也見思如盡將破塵沙矣然非空能破惟用假
觀此惑可破塵沙云者言其不明者多也世出世法
爲數無量一皆通徹則塵沙無明斷矣此假觀工夫
不過博訪先覺無事不知也塵沙既破將破根本無

8

06

001

明矣根本云者言其爲一切衆生惑業根本故也此根本無明最初本淨不覺故逃而循動三細生焉此三細者爲見思塵沙根本見思塵沙是其枝條枝條雖則先斷根本猶在行者此際唯以中觀之斧破之然此三細於楞嚴經中分爲四十二品治之四十二位者謂十住十行十迴向十地等覺後心兼前塵沙無明開此一位與今經立位異故曰四十二品初住菩薩以中觀力四十二品斷最初一品無明而入初住卽能王百

先海印憨山和尚楞嚴懸鏡綱要

將通大義。總啓二章。○初大開修證之門。

從初啓請

示三觀之體。從初卷至二示三觀之相。從四卷半至六卷半。

三示三觀之用從七卷初至八卷中四結三觀之名○初示三

觀之體而此體者所言常住真心性淨明體皆一真
法界如來藏心地依此一心建立三觀依此三觀還

證一心先示此體爲所觀之境。要依此體啓天智用。

摩尼珠。其體空淨。了無色相。雖有隨方之色。色不離珠。以卽珠故。真心本淨。了絕妄緣。雖有隨緣之妄。妄

不離真以卽真故。名曰真空觀者。先示真心以爲觀體。能觀此體。名真空觀。二不空如來藏者。謂此藏體雖空。具有恒沙稱性功德。包含融攝。纖悉不遺。如摩尼珠。其體雖淨。具有圓照之用。而能隨方現一切色。色即是珠。以珠現故。藏性雖空。而能隨緣顯現十界。依正之相。相即是性。以性起故。名不真空觀者。不此藏性。以爲觀體。能觀此體。名不空。觀此空。不空二種之藏者。謂此藏性。其體清淨。能應能現。如摩尼珠。其體淨圓。淨故非色。以卽珠故。圓故能應。非不色。以卽色故。非色非珠。而此藏性與體淨圓。淨故非相。以卽性

故圓故能現。非不相。以卽相故。非相非性。名空不空。非相故空。非性故不空。非卽非離。平等如如。名曰中道。觀者不此藏性。以爲觀體。能觀此體。名中道觀。然上三諦體雖不二。舉一卽三。終帶名言。猶存歷別。未極一心之源。難契圓融之旨。必若離卽離。非是卽非。卽則藏心妙性。徹底窮源。絕諸對待。良以雙離則雙泯。雙是則雙存。存則三諦靈然泯。則一心無寄。寂照同時。存泯無礙。唯在忘言者。神會。絕慮者。心通。泯同法界。圓融圓融。深思深思。歷然不昧。故佛開示已畢。乃總告曰。上來所說藏性之理。如此深妙。如何汝等。

1 2 3 4 5 6 7 8 9 10 1 2 3 4 5 6 7 8 9 10

以所知心而能測度。世間語言而能入哉。且此妙理。人人本具。隱而未現。琴瑟雖有妙音。非妙指不能發。衆生雖具妙心。非妙觀不能顯。如我今證此真心。安住大定。圓照法界。凡有動作。皆是大用現前。汝等迷之舉措。云爲。皆是塵勞業用。此無他故。蓋由不肯勤求。得少爲足耳。當機遂請。何因有妄。要顯妄元。無因使悟妄不離真。亦似頭非外得。天然妙性。不假修成。但能一念回光方悟。神珠本有。故隨結責戲論。切勸修持。阿難疑惑銷除。心悟實相。遂乃請入華屋。攝伏攀緣。莫得陀羅入佛知見等。然則一期問答。開示藏

性。豈非先悟一心。依之建立妙觀。然後行成解絕。頓證一心者乎。○二示三觀之相者。一真法界。如來藏體。具有廣大智慧光明義。故說名爲智。以卽體之智。還照寂滅之體。理智一如。離念離相。名一心源。了無說示。今約真妄生滅之門。會返妄還真之路。方便施設。亦有三重。以智照理。故單以觀名。約妄相以名。故曰觀相。○今先略示觀門。一奢摩他空觀。二三摩鉢提。不空觀。三禪那中道觀。奢摩他名空觀者。謂了一真法界。如來藏心。本無生滅。亦無諸相。蓋因一念不覺。而有無明。因此無明。生起三細六麤四大六根種。

種諸法。而此諸法唯心所現。本無所有。但是一心。心體圓明。離一切相。如珠中色。本來不有。以卽空故。故曰色。卽是空。以色非色故。色不異空。故名真空。作是觀者。名真空觀。三摩鉢提名不空觀者。謂了根身器界。一切諸法。既是一心。心體圓明。清淨本然。周徧法界。隨緣顯現。此則諸法當體虛假。如幻不實。如珠中色。分明顯現。全珠卽色。以卽色故。故曰空。卽是色。以空非空故。空不異色。故名不空。作是觀者。名不空觀禪。那名中道觀者。謂依此寂滅一心。照明諸法。諸法法爾。當體寂滅。寂故名空。照故不空。如珠與色。非色。

非珠。名空不空。非寂非照。如如平等。唯一心源。湛然不動。離卽離非。是卽非卽。言語道斷。心行處滅。心無間。任運流入薩婆若海。作是觀者。名中道觀。○次正示觀相。文中大科爲四。初總示迷悟之根。二正示一心三觀之相。三略示解結之方。四廣示最初方便。○初總示迷悟之根者。以原迷此圓明湛寂之真心。結爲四大妄分六根。根塵和合。虛妄生滅。引起五濁業用煩惱。使妙圓之體。隔越而不通。若群器參乎太虛。湛淵之心。渾濁而失照。似塵沙投於清水。今欲卽生滅以證真常。旋虛妄而復妙覺。要先以不生滅心。

爲本修因。照破生滅之原。次審所結之根。誰是煩惱之本。若生滅入照。則當下真常。若煩惱知根。則迎刃而解。斯則能照之。一心心寂滅。所照之萬法。法法圓通。是以旋復一元。頓超五濁。然所迷之一心。雖是本圓周徧能迷之六根。現前力用不齊。今若卽迷返悟。就路還家。必須直指當陽。要在一門深入。由是備顯六根優劣。令審誰淺誰深。果能入一無妄。則六湛圓明。諸妄消亡。而一心清淨。吾家之故物可還。諸佛之涅槃可證。所謂返妄歸真。無出二決定義也。(二)正示一心三觀之相者。根塵識性。同一真源。縛脫兩

途。元無二致。迷一真而妄見六根。知見立知。卽名生死了六根而同歸一體。知見無見。斯卽涅槃。此實結構之元。豈可更容他物。然此雖明空有未極一心。何則。一真之性。不屬生死涅槃。如來藏中。本無去來。迷悟至若有爲起。而無爲滅。俱是緣生。如目前之幻化。無爲起而有爲滅。盡爲不實。若眼底之空花。况非真與非真。何有能見所見。能見六根。所見六塵。然而根塵之間。元無實體。虛有其相。故若交蘆。是以結解同根。聖凡無二。汝但試觀。交中識性。第八阿黎耶識空有何名。蓋由明昧因依。真妄平立。迷之而六妄同生。悟之而一真何寄。

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

良由此體甚深微細。熏變難思。執之則真已非真。取之則非幻成幻。苟不取而非幻。尚無不執而幻法。何立如是。則六根圓湛。空有雙祕。三諦圓觀。是非齊泯。妙圓之旨。盡在斯乎。○三略示解結之方者。上來一心三觀之相。乃佛佛成道之門。初心不知直捷之方。故有六解一亡之間。世尊巧示玄機。綰巾成結以明依一巾而有六結。結若解而巾亦不存。依一真而分六妄。妄若消而真亦不立。良以真淨界中。本無此事。生死涅槃。皆卽狂勞。顛倒華相。隨請解結之方。審明下手之處。除結當心。以顯二邊無力。當陽直入。必須

中道收功。恐汝不能圓觀頓脫。是須次第銷鎔。先且選擇一根。任運五黏隨脫。若所觀人法雙空。則能空觀智亦泯。藥病俱遣。真俗雙融。三諦靈然。一心無寄。是則從三昧以證無生。卽六根而證常樂。初心方便無尚此矣。○四廣示最初方便者。從前觀相分明。已悟隨根證入。今茲最後開示。應須冥授密機。勾引二十五聖。會說圓通。不知此界當根。誰爲要妙。若是塵中作主。非大智無以潛眸。鬧裏奪尊。非大悲不能下手。故敕文殊揀選。唯取觀音耳根。此是微塵諸佛。一路妙門。三世聖賢。修行捷徑。於是當機聞說。身心了

然識路還家歸真無惑。然而得正熏修須資定慧。違制行業必稟戒輪生死之海滔天始於濫觴之念煩惱之枝翳日生於萌蘖之根。今若絕末停流端在拔源塞本果能四事不遺自然遠諸魔事又復現行易制宿習難除是須安立道場誦持神呪顯密雙資三慧並運指日以取菩提刻期而成聖果妙圓之行誠在斯矣。二示三觀之相屬修行分竟。○三示三觀之用者世尊所示光明二種顛倒妄見之因後示五十五位真家之路所以然者何也良以妙性圓明真源湛寂本無逃悟安有聖凡一念纔興則三有之空花

亂起寸心方歇則一真之幻影全消所以生滅名妄迷之則生死無端滅妄名真悟之則輪迴頓息然且生死界寬總之不出一十二類涅槃道遠要之不過五十五程逃一真而爲六想則二種顛倒相因悟六想而本一真則二種轉依是號汝今欲修三昧直詣涅槃先當識此諸顛倒因斯可圓成真三摩地良由逃真覺而成不覺故號無明遷無生而作衆生是稱顛倒此則本不生而生斯有無生之衆生本無住而住故有無住之世界逃輪不息則生死之業何窮妄念不休則遷流之世何已且既以一念之逃妄動而

六想橫發輪迴於十二類生。則可以一念之悟無生而三觀齊修。證取於五十五位。由是觀之。則衆生實約四蘊之心。世界端指色蘊之質。此則全憑正報以顯悟迷。總屬衆生以明真妄。所謂使汝流轉生死。速證妙常。皆汝六根更非他物。豈非知見立知。卽無明本知見無見斯卽涅槃者乎。全真卽妄。顛倒具於妙圓真心。全妄卽真。修證本於元所亂想。故三種漸次因之而建立。五十五位。由是而進趣。是使初心創志。則知觀相分明。然後任運一心。法爾淺深。具有斷惑證真。高下之用。重重觀察。位位研窮。莫不皆以首楞

大定三觀妙門。單複圓修。漸次證入者矣。修證已極結歸觀心。以終其請。故曰。是種種地。皆以金剛觀察如幻十種深喻。奢摩他中用諸。如來毘婆舍那等三示三觀之用。屬證果分竟。○四結三觀之名。如文。○已上大開修證之門。竟次曲示迷悟差別。○上來七軸半文判爲大開修證爲觀者。先請孰讀經文。然後安心觀法。覽斯文而通會。忘言象以冥符。一日常光顯現。根塵識銷。則佛法身心。皆爲餘事矣。然迷唯一念。因情想亂發。取七趣之升沉。悟止一心。因妄見橫生。取五陰之魔擾。故曰。自心取自心。非幻成幻法。我

世尊真慈。痛發。摘膽剝心。精研七趣。因情想而分內外。多少之不同。詳辨陰魔。約妄見而顯心觀。淺深之不一直。欲吾人思地獄苦。發菩提心。知有涅槃。不戀三界。苟能執此金剛寶劍。如幻定門。斬愛根於當下。則三有之空華影滅。世界平沈。拔見刺於剎那。則一心之幻翳全消。虛空粉碎。直使纖塵不立。一念不存。成佛果於今生。銷習漏於曠劫。斯所謂圓滿菩提。歸無所得矣。

慈山大師答武昌毘。幻然給諫書云。讀來問楞嚴。破陰淺深。與五十五位相對同別。此乃諸佛菩薩自住。

三摩地中。親證境界。非凡情所可妄測。從前諸師。都未疑及。宗鏡深窮性相之源。然亦未談及此。山野膚淺。暗昧。安敢妄言。敢依聖言量略陳其概。如來一代時教。只是破衆生五陰生死之具。楞嚴一經。統攝迷悟修證因果。備殫聖凡二路。爲一路涅槃門。故修證位次。始終詳悉。且又特申定中破陰境界者。以此經真修。專以禪定一門深入。而以破陰驗其淺深。故其位次不同。華嚴縹珞等說。以華嚴圓圓果海。一位具足一切位。雖設行布。不說斷證。要在藉顯圓融縹珞位次。雖詳意在分斷分證。故約見思塵沙無明。以定

列行布。如天台所明。此經與彼迥然不同。單約楞嚴大定頓悟漸修。故以不生滅心爲本修因。先悟妙圓真心。乃本發心。卽以此心漸斷習氣。以定位次淺深。正同起信論發心修行。以悟真如爲本。至其斷惑論。又多依相宗斷證。特約六麤三細以定位次。是爲先悟後修。亦與經義相符。然論就破惑定位則易明。經以破陰定位則難合。何也。若約論。則信位斷執取計名字。起業三種麤惑。三賢斷相續智相二惑。爲麤中之細。細中之麤。初地至七地。斷三細中現相。八地至等覺。斷轉相。金剛最後斷業相。此論中斷證明文也。

今以五陰對惑。合位高下。則經義大不然矣。以經有明文理。須頓悟乘悟併消。此則不歷諸位矣。事須漸除。因次第盡。此又約斷以明位也。詳今經三漸次中。卽獲無生法忍。從是漸修安立聖位。然無生法忍。乃登地已證平等真如。方得此忍。是經三漸次中。專以真如爲行本。且云反流全一。六用不行。十方國土。皎然清淨。譬如琉璃。內懸寶月。後文云。識陰若盡。如淨琉璃。內含寶月。如是乃超十信。以至等覺圓明。入於未登位前。已破識陰。又不待相似信位矣。又何敢

妄以破陰次第。配諸位耶。此經正義重在單破生死根本。專指姪習爲生死之根。大定乃破敵之具。特出發業潤生二種無明。是以大定直破八識根本無明。而以定研窮。縱八識未破。見思塵沙麤惑。任運先落至若以不生滅心爲本脩因。正是以金剛心爲禪定本。故經云。是名妙蓮華。金剛王寶覺。由是觀之。則初修定時。在三漸次中。已破八識。透出金剛心地。正是理須頓悟。乘悟併消。則能超越諸位矣。若云從此安立聖位。則自入信已來。乃至等覺。正是事須漸除。因次第盡。仍約侵斷歷劫無明。習氣特就厚薄輕重。約

位以判淺深高下耳。頓悟漸修。由破陰而入位。元無二路。鴻山云。若人一念頓了。自心是名爲悟。卽以所悟淨除現業流識。是名爲修。非此外別有修也。以衆生隨生死流。蓋有四種。謂欲流。有流。見流。無明流。今三漸次中。慾愛乾枯。根境不偶。乃斷欲有見三流也。名乾慧地者。言乾有其慧。未與如來法流水接。是無明流。尚未乾耳。此無明流。乃金剛心中無明流。宗門目爲真常流注。故經結位文云。是覺始獲金剛心中初乾慧地。此言從前漸次得乾慧以來。直至等覺。金剛心中無明習氣之流。才得乾耳。所以無明必歷諸

位而後盡者。以從真淨界中。督生一念無明。遂起生死無量劫來。起惑造業。生死時長。染著愛慾。習氣深厚。必須以金剛心。重重磨煉。方始得還本源心地。故從信位。卽云圓妙開敷。中道純真。未後乃云。如是重重單複十二者。正顯以此大定消磨習氣之功也。且如經云。五陰皆是妄想爲本。若破陰對位。則經初信心中。便云。卽以此心中中流入一切妄想。滅盡無餘。又安可以帶陰而入諸位耶。且乾慧文云。慾愛乾枯。根境不偶。現前殘質。不復續生。此則已出三界生死矣。後文識陰盡。則超命濁。豈但破色陰耶。受乃執受。

四大有苦樂等。若受陰不破。則不得正受。若想陰。不破。則難入妙奢摩他。若行陰不破。則生滅不停。非爲正定。若識陰不破。則未悟真心。難立諸位。由此證之。則在三漸次中。已破五陰。決不帶五陰而入諸位明矣。由五陰俱破。方名真悟。由破八識進脩。乃名真修。是則破五陰。乃頓悟其理。其後諸位。但約大定消磨歷劫。無明習氣。正謂事須漸除。至若五十五位諸妙功德。以如來藏中。具有恒沙稱性功德。向被無明變作恒沙生死業習。今以金剛如幻三昧。磨煉業習。化作神通妙用。以所化者淺。故其位下。所化者深。故其

位高圭山云覺前前非名後後位此經大義單以觀心研窮進破無明約位以明證入之淺深非分斷分證之可比由先破陰而後入位非約破五陰以配諸位明矣破陰之說佛恐諸修行人得少爲足錯亂修習故特申明以防邪誤非就此以明位也若禪門頓悟自心頓出生死不落階級乃是三漸次中頓破八識自然超越諸位然祖師雖云超越但云素法身佛未必具有相光莊嚴神通妙用諸佛如來未有不悟自心而成佛者若一悟便了無事則諸佛又何假更歷三大阿僧祇劫耶今人蒲團未穩以世智聰明掠古人公案自逞知見妄言證聖超佛越祖乃是增上慢人未得謂得墮大妄語可不懼哉昨東行見禪者甚多而墮上慢者不少白衣談禪多墮此病惟今真修但以三漸次行頓悟自心頓出生死爲急務若自心一明識陰自破則前四陰不待破而自破且如將頭臨白刃一似斬春風豈是色陰能礙又云老僧能轉十二時又云入息不居陰界出息不涉衆緣豈在受想行陰裏吾人只貴究明白心求出生死一著且不必論破陰與位次合不合也

首楞嚴經疏解蒙鈔卷末五錄

卷五

海印弟子蒙叟錢謙益集

佛頂宗錄第五

序曰魔民亂宗蛇鬼橫從拂蕩教網拍盲鼓曠亦
有邪慧掠宗附教吹網貯風離鏡覓照攝爲宗錄

證明別傳春在花枝月落萬川輯佛頂宗錄

一垂示宗旨二叅會公案三舉拈偈頌今

初

已下二土諸祖

初祖述安心法門云迷時人逐法解時法逐人解則

識攝色。述則色攝識。但有心分別計校。自心現量者。悉皆是夢。若識心寂滅。無一動念處。是名正覺問。云何自心現量答。見一切法有。有自不有。自心計作有。見一切法無。無自不無。自心計作無。乃至一切法亦如是。茲是自心計作有。自心計作無。又若人造一切罪。自見已之法王。卽得解脫。若從事上得解者。氣力壯。從事中見法者。卽處處不失念。從文字解者。氣力弱。卽事卽法者深。從汝種種運爲跳踉顛蹶。悉不出法界。亦不入法界。若以法界入法界。卽是癡人。凡有所施爲。終不出法界心。何以故。心體是法界。故問世。

間人種種學問。云何不得道。答。由見已故不得道。已者我也。至人逢苦不憂。遇樂不喜。由不見已故。由已故得至虛無已。自尚亾。更有何物而不亾也。問諸法旣空。阿誰修道。答。有阿誰須修道。若無阿誰。卽不須修道。阿誰者亦我也。若無我者。逢物不生是非。是者我自是。而物非是也。非者我自非。而物非非也。卽心無心。是爲通達佛道。卽物不起見。名爲達道。逢物直達知其本原。此人慧眼開智者。任物不任已。卽無取捨違順。愚者任已。不任物。卽有取捨違順。不見一物。名爲見道不行。一物。名爲行道。卽一切處無處。卽

是法處。卽作處。無作處。無作法。卽見佛。若見相時。卽一切處見鬼。取相故墮地獄觀法。故得解脫。若見憶想分別。卽受餽湯礪炭等事。現見生死相。若見法界性。卽涅槃性。無憶想分別。卽是法界性。心非色。故非有用。而不廢。故非無。又用而常空。故非有空而常用。故非無。

祖演化本國。喟然嘆曰。彼之一師。已陷牛跡。况復支離而分六宗。我若不除。永纏邪見。至第一有相宗所。問曰。一切諸法何名實相。有薩婆羅者答曰。於諸相中。不互諸相。是名實相。祖曰。一切諸相而不互者。若

名實相當。何定耶。彼曰。於諸相中實無有定。若定諸相。何名爲實。祖曰。諸相不定。便名實相。汝今不定。當何得之。彼曰。我言不定。不說諸相。當說諸相其義亦然。祖曰。汝言不定。當爲實相。定不定故。卽非實相。彼曰。定既不定。卽非實相。知我非故。不定不變。祖曰。汝今不變。何名實相。已變已往其義亦狀。彼曰。不變當在。在不在。故變實相。以定其義。祖曰。實相不變。變卽非實。於有無中。何名實相。薩婆羅以手指虛空曰。此是世間有相。亦能空。故當我此身。得似此不。祖曰。若解實相。卽見非相。若了非相。其色亦然。當於色中。

不失色體於非相中。不礙有故。若能是解。此名實相至第二無相宗所問曰。汝言無相當何證之。有波羅提者答曰。我明無相。心不現故。祖曰。汝心不現當何明之。彼曰。我明無相。心不取捨。當於明時亦無當者。祖曰。於諸有無心。不取捨。又無當者。諸明無故。彼曰。入佛三昧。尚無所得。何況無相而欲知之。祖曰。相既不知。誰云有無。尚無所得。何名三昧。彼曰。我說不證。證無所證。非三昧故。我說三昧。祖曰。非三昧者。何當名之。汝既不證。非證何證。至第三定慧宗所問曰。汝學定慧爲一爲二。有婆蘭陀者答曰。我此定慧非二。

非二。祖曰。旣非一二。何名定慧。彼曰。在定非定處。慧非慧。一卽非一二。亦不二。祖曰。當一不一。當二不二。旣非定慧。約何定慧。彼曰。不一不二。定慧能知。非定非慧。亦復然矣。祖曰。慧非定故。然何知哉。不一不二。誰定誰慧。至第四戒行宗所問曰。何者名戒。云何各行。當此戒行爲一爲二。有一賢者答曰。一二三一。皆彼所生。依教無染。此名戒行。祖曰。汝言依教。卽是有染。一二俱破。何言依教。此二違背。不及於行。內外非明。何名爲戒。彼曰。我有內外。彼已知竟。卽得通達。便是戒行。若說違背。俱是俱非。言及清淨。卽戒卽行。祖

1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

曰俱是俱非。何言清淨。既得通故。何競內外。至第五無得宗所問曰。汝云無得。無得何得。既無所得。亦無得。有寶靜者答曰。我說無得。非無得。當說得。無得是得。祖曰。得既非得。得亦非得。既云得得。得何得。彼曰。見得非得。非得是得。若見不得。名爲得。祖曰。得既非得。得無得。既無所得。當何得。得至第六寂靜宗所問曰。何名寂靜。於此法中。誰靜誰寂。有尊者答曰。此心不動。是名爲寂。於法無染。名之爲靜。祖曰。本心不寂。要假寂靜。本來寂故。何用寂靜。彼曰。諸法本空。以空空故。於彼空空故。名寂靜。祖曰。空空

已空。諸法亦爾。寂靜無相。何靜何寂。

異見王問波羅提尊者。何者是佛。提曰。見性是佛。王曰。師見性不提。曰。我見佛性。王曰。性在何處。提曰。性在作用。王曰。是何作用。今不覩見。提曰。今現作用。王自不識。王曰。師既所見。云有作用。當於我處而有之。不提曰。王若作用。現前總是。王若不用體。亦難見。王曰。若當用之。幾處出現。師曰。當出用時。當有其八。以偈告曰。在胎曰身。處世名人在眼曰見。在耳曰聞。在鼻辨氣。在口談論。在手執捉。在足運奔徧現。俱該法界。收攝不出微塵。識者知是佛性。不識者喚作精魂。

傳子宗金五

五

金山普寧禪師舉云。雖然如是。祇見錐頭利。不見鑒頭方。若是金山。則不然。有眼覩。不見。有耳聽。不聞。有鼻不知。香有舌不談論。有身不覺觸。有意不攀緣。一念相應。六根解脫。敢問諸禪林。與前來是同。是別。劉簽判經臣發明心地。頌在胎爲身隨緣託質。示天眞。分明見得當時事。晝夜舒光轉法輪。處世名人。我今知是釋迦身。堪擾擾昏昏者箇箇埋藏無價珍。在眼曰見。昨夜三更光擊電照。破根塵一物無始。知身坐空王殿。在耳曰聞。如何昏暎滿乾坤。那知鼓響鐘鳴後。一夜齊開衆妙門。在鼻辨香栴檀林裏。親聞得徹地熏天。只自知。相逢覲面難相識。在舌談論。方便海開法施門。若是知音兩相見。何勞一默與多言。在手執提放。開捏聚總由伊笑。他罷老當年。道運水搬柴。未是奇。在足運奔草鞋。踏被無消息。吾今了了報君知。只是不歸歸便得。○明道先生論中庸爲飛戾天章。云識得便活潑潑地。不識只是弄精覓。

二祖可大師曰。我心未寧。乞師與安。初祖曰。將心來

與汝安。曰。覓心了不可得。祖曰。與汝安心竟。○祖曰。凡夫謂古異今。謂今異古。復離四大更有法身。解時卽今五陰心。是圓淨涅槃。此心具足萬行。正稱大宗。四祖示融大師云。百千妙門。同歸方寸恒沙功德。總在心源。一切定門。一切慧門。一切行門。悉皆具足。神通妙用。竝在汝心。一切煩惱業障。本來空寂。一切因果。皆如夢幻。無三界可出。無菩提可求。人與非人性。相平等。大道虛曠。絕思絕慮。如是之門。汝今已得。更無闕少。與佛何殊。

五祖云。欲知法要。心是十二部經之根本。唯有一乘。

法一乘者一心是但守一心卽心真如門。

六祖慧能大師云汝等諸人自心是佛更莫狐疑心外更無一法而能建立皆是自心生萬種法經云心生種種法生其法無二其心亦然其道清淨無有諸相汝莫觀淨及空其心此心無二無可取捨行住坐臥皆一直心卽是淨土依吾語者決定菩提○告衆云世人妙性本空無有一法可得自性真空亦復如是莫聞吾說空便卽著空第一莫著空若空心靜坐卽著無記空世界虛空能含萬物色像日月星辰山河大地泉源溪澗草木叢林惡人善人惡法善法天

堂地獄一切大海須彌諸山悉在空中世人性空亦復如是○善知識凡夫卽佛煩惱卽苦提前念逃卽凡夫後念悟卽佛前念著境卽煩惱後念離境卽菩提善知識當用大智慧打破五蘊煩惱塵勞如此修行定成佛道變三毒爲戒定慧我此法門從一般若生八萬四千智慧何以故爲世人有八萬四千塵勞若無塵勞智慧常現○何名無念見一切法心不染著是爲無念用卽徧一切處亦不著一切處但淨本心使六識出六門於六塵中無染無雜來去自由通用無滯卽是般若三昧自在解脫名無念行○師言

大衆世人自色身是城。眼耳鼻舌是門。外有五門。內有意門。心是地性。是王。王居心地上。性在王在。性去王無。性在身心存。性去身心壞。佛向性中作。莫向身外求。自性逃。卽衆生。自性覺。卽是佛。慈悲。卽是觀音。喜捨。名爲勢至。能靜。卽釋迦。平直。卽彌陀。人我是須彌。邪心是海水。煩惱是波浪。毒害是惡龍。虛妄是鬼神。塵勞是魚鰐。貪瞋是地獄。愚癡是畜生。善知識常行十善。天堂便至。除人我須彌倒。無邪心。海水竭。煩惱無波浪。滅毒害。除魚龍。絕自心。地上覺性如來。放大光明。外照六門。清淨能破六欲。諸天自性內照。三

毒卽除。地獄等罪一時消滅。內外明徹。不異西方。不作此修。如何到彼。○三科法門者。陰界入也。界是十八界。六塵六門六識是也。自性能含萬法。名含藏識。若起思量。卽是轉識。生六識。出六門。見六塵。如是十八界。皆從自性起用。○法海問。卽心卽佛。祖曰。前念不生。卽心後念不滅。卽佛成一切相。卽心離一切相。卽佛。○答薛內侍云。明與無明。其性無二。無二之性。卽是實性。實性者。處凡愚而不減。在賢聖而不增。任煩惱而不亂。居禪定而不寂。不斷不常。不來不去。不在中間。及其內外。性相如如。常住不遷。名之曰道。問

不滅不生。何異外道。答外道說。不生不滅。將滅止生。以生顯滅。滅猶不滅。生說無生。我說不生不滅。本自無生。今亦無滅。所以不同外道。○智通禪師看楞伽經。約千餘遍。不會三身四智。祖曰。三身者。清淨法身。汝之性也。圓滿報身。汝之智也。千百億化身。汝之行也。若離本性別說三身。卽名有身無智。若捨三身。無有自性。卽名四智。菩提問四智之義。可得聞乎。曰。旣會三身。便明四智。若離三身。別談四智。此名有智無身也。偈云。大圓鏡智性清淨。平等性智心無病。妙觀察處見非功成。所作智同圓鏡。五八六七果因轉。但

用名言無實性。若於轉處不留情。繁興永處那伽定。

僧問長沙岑。第六第七及第八識畢竟無體。云何名轉。第八爲大圓鏡智。岑示偈曰。七生依一滅。一滅持七生。一滅滅亦滅。六七永無遷。○寂音曰。以五識第八親相分。故曰成所作智同圓鏡。是皆果上。方轉第六第七無別體。故但能了知。卽性平等。是皆因中轉也。○紫柏曰。楞伽以八識二無我。五法三自性。轉識成智爲宗。不達此義者。以爲得心之後。再無一事。不知道可頓悟。情須漸除。鼻祖所傳之心道也。楞伽轉識成智之法。治情之具也。若聞道而不治。則必魔外也。我如來法中。必無是事。○祖示僧

志徹曰。佛性若常。更說什麼善惡諸法。乃至窮劫。無有一人發菩提心者。故吾說無常。正是佛說。真常之道也。又一切諸法若無常者。卽物物皆有自性。容受生死而真常性。有不徧之處。故吾說常者。正是佛說。

真無常義也。佛比爲凡夫外道執於邪常。諸二乘人於常計無常。共成八倒。故於涅槃了義教中。破彼偏見顯說真常真樂真我真淨。汝今依言背義。以斷滅無常及確定死常。而錯解佛之圓妙。最後微言縱覽千徧。有何所益。○僧志道覽涅槃經請益曰。一切衆生皆有二身。謂色身法身也。色身無常。有生有滅。法身有常。無知無覺。經云。生滅滅已。寂滅爲樂。不審何身寂滅。何身受樂。祖曰。汝是釋子。何習外道。斷常邪見。而議最上乘法。據汝所說。卽色聲外別有法身。離生滅求於寂滅。又推涅槃常樂。言有身受用。佛爲一

一切迷人認五蘊和合爲自體相。分別一切法爲外塵。相好生惡死枉受輪迴。以常樂涅槃翻爲苦相。佛愍此故。乃示涅槃真樂。剎那無有生相。剎那無有滅相。更無生滅可滅。是則寂滅現前。當現前時。亦無現前之量。乃謂常樂。聽吾偈曰。無上大涅槃。圓明常寂照。凡愚謂之死。外道執爲斷。諸求二乘人。目以爲無作。盡屬情所計。六十二見本妄立虛假名。何爲真實義。惟有過量人。通達無取捨。以知五蘊法。及以蘊中我外現衆色相。一一音聲相平等。如夢幻不起。凡聖見不作涅槃解。二邊三際斷常應諸根用。而不起用想。

分別一切法。不起分別想。劫火燒海底。風吹山相擊。
 真常寂滅樂。涅槃相如是。吾今強言說。令汝捨邪見。
 汝勿隨言解。許汝知少分。○荷澤閱大藏經。請問六
 處有疑。第一問。所用戒何物。定從何處修。慧因何處起。所見不通流。祖曰。定卽
 定其心。將戒戒其心。性中常慧照。自見自知深。第三
 問。將生滅却滅。將滅滅却生。慧因何處起。所見似聾盲。祖曰。將生滅却滅。令人
 不執性。將滅滅却生。令人心離境。未卽離二邊。自墮
 生滅病。第四問。先頓而後漸。先漸而後頓。悟法漸中頓。修行頓中漸。證果漸中頓。頓漸
 頓中漸。悟法漸中頓。修行頓中漸。證果漸中頓。頓漸
 是常因。性中不迷悶。

天竺第四祖優波毘多尊者。出家證果。行化至摩突
 羅國。諸天雨華。地祇皆現。由是魔宮振動。波旬愁怖。
 以其魔力。屢化花與玉女。欲亂聽法者。尊者卽入三
 昧。察其所以。魔乘在定。持瓊珞摩其頸。尊者出定。取
 人狗蛇三尸。化爲花鬘。輒語令魔繫之。蟲蛆臭穢。魔
 盡自神力。不能得去。卽昇六欲天。乃至梵天。求其解
 免。梵王曰。汝可歸心尊者。乃得除之。爲說偈曰。若因地
 倒還因地起。離地求起。終無其理。波旬卽下天宮。
 禮足哀懺。尊者曰。汝自今遷善。於佛正法。不妨害。不
 波旬曰。誓向佛道。尊者曰。汝可自唱。皈依三寶。波旬

合掌三唱。三屍悉除。作禮讚嘆而去。經言一切魔王。及與鬼神見其宮殿無故崩裂。大地振坼。果有是事。

五祖授多迦尊者遊化至中印度。彼國有八大仙彌遮伽爲首。率衆瞻禮。謂尊者曰。念昔同生梵天。我遇阿私陀仙。授以仙法。師逢十力弟子。修習禪那。尊者證果。自此報分殊途。已更六劫。者曰。支離累劫。誠哉不虛。今可捨邪。歸入佛乘。迦曰。昔阿私陀仙人授我記云。卻後六劫。當因同學。獲無漏果。今之相遇。豈不然耶。卽度出家。其餘仙衆。尋皆率服。得戒成四果。第十經識魔云。是人則墮貪非貪執諸阿私陀求長命者。成其伴侣。逃佛菩提。亡失知見。今云同生種仙趣。可以同年而語也。

梵天授阿私陀仙法。報分殊途。支離累劫。痛哉。其言之也。彌遮伽旣紹祖位。餘衆皆證四果。則識陰外道所證之地位。可以比知。故非十種仙趣。可以同年而語也。

十祖脇尊者憩一樹下。有長者子富那夜奢。當會前立者。曰汝從何來。奢曰。我心非往者。曰。何處所住。奢曰。我心非止。阿難言。佛手不住。而我見性尚無有靜止。誰爲無住。我頭自動。而我見性尚無有運動。誰爲者。曰。汝不定耶。奢曰。諸佛亦然者。曰。汝非諸佛奢曰。諸佛亦非。奢說偈贊曰。師坐金色地。常說真實義。廻光而照我。令入三摩諦。

十二祖馬鳴大士。於花氏國轉妙法輪。有小蟲類蟻。潛其座下。取示衆曰。此魔所變。盜聽吾法。放之去。

魔不能動。祖令皈依三寶。卽復本形作禮曰。我名迦毘摩羅眷屬三千。祖曰。盡汝神力變化若何。曰。我化巨海極爲小事。祖曰。汝化性海得不。曰。何謂性海。非我所知。祖爲說曰。此性海者。山河大地皆依建立。三昧六通。由茲發現魔聞法大起信心。與其徒屬皆求出家。後付正法眼藏。

十六祖羅睺羅多大士。至室羅筏城。遡金水河源見僧伽難提禪定於石窟中。經三七日出定。乃問之曰。汝身定耶。心定乎。提曰。身心俱定。祖曰。身心俱定。何有出入。提曰。雖有出入。不失定相。如金在井。金體常寂。祖曰。若金在井。若金出井。金無動靜。何物出入。提曰。言金動靜。何物出入。許金出入。金非動靜。祖曰。若金在井。出者何金。若金出井。在者何物。提曰。金若出井。在者非金。金若在井。出者何物。何物。祖曰。此義不然。提曰。彼義非著。祖曰。此義當墮。提曰。彼義不成。祖曰。彼義不成。我義成矣。提曰。我義雖成。法非我故。祖曰。我義已成。我無我。故提曰。我無我故。復成何義。祖曰。我無我。故故成汝義。提曰。仁者師誰得是無我。祖曰。我師迦那提婆證是無我。提以偈贊曰。稽首提婆師而出於仁者。仁者無我故。我欲師仁者。祖答曰。我已無

我故汝須見我。我汝若師我故知我非我。我難提心意豁然卽求度脫。祖曰。汝心自在非繫我所。何須依託而求解脫。

十七祖僧伽難提尊者領童子伽耶舍多遊化古寺殿上銅鈴被風搖響。祖問曰。彼風鳴耶。彼鈴鳴耶。彼銅鳴耶。子曰。我心鳴耳。非風銅鈴。祖曰。非風銅鈴。我心誰耳。子曰。二俱寂靜。非三昧耶。祖曰。善哉真比丘。善會諸佛理。

十九祖鳩摩羅多。往世嘗生梵天。貪愛菩薩瓔珞。墮生忉利爲彼天人說法。彼天遂證初果。以故天衆尊

爲導師。其時有天玉女來禮法會。會衆千二百人。輒起情愛。故相牽累。紹祖冥數適至。降生月氏。天女亦爲梵志氏。傳法後行化中。天竺有智士名闍夜多。問曰。我父母素敬三寶。常縗疾療鄰家。久爲旃陀羅行。康強如意。善惡報應。豈虛說乎。祖曰。佛說業通三世。有此生爲善而不得福。前惡報勝也。今世作惡而不受殃。前善報勝也。若今生善惡之業。隨福報而增上。則來世善惡之趣滋深。苟宿生善惡之因。逐心行而移改。則當生罪福之果不定。凡人見仁天。暴壽逆吉義凶。便謂亡因果。虛罪福。不知形影相隨。毫釐靡忒。百千

萬劫永不磨滅。豈可以一世求之耶。汝已信三世之業。而未明業從惑生惑因識有識依不覺不覺。依心本清淨無生滅無善惡。有爲無爲。皆如夢幻。夜多領發宿慧。遂求出家。皓月供奉問長沙曰了卽業債師子尊者二祖大師爲甚麼得償債去沙曰大德不識本來空月曰如何是本來空沙曰業債是如何是業債曰本來空是沙以偈示曰假有元非有假滅亦非無涅槃償債義一性更無殊。

五天有僧達磨達者有辨慧師事二十四祖師子尊者尊者知其悟解對衆稱之至傳法嗣祖則屬婆舍斯多達磨達心恨之曰尊者知我之深至嗣祖位不以見授豈有說乎尊者化去久之達磨達一日獨行

渡水有女子浣露其足。念曰此脛乃爾白哲耶。師子尊者忽在其旁曰汝每念我不以祖位授汝今日之心可授祖位乎。達磨達於是攝念禮足求哀曰微細誤犯如是之難敵乎。寂音曰世尊四决定明诲進婦機於殺盜妄之前是大慈父造次不忘曲折垂誨新學菩薩所當知恩。

已下此土聖賢

志公和尚問梵僧承聞尊者喚我作屠兒曾見我殺生麼。曰見師曰有見見無見見不有不無見若有見見是凡夫見無見見是聲聞見不有不無見是外道見未審尊者如何見僧曰你有此等見耶。

傳大士謂弟子曰。無爲大道者。離於言說。說者無示。聽者無聞。學者無得。說者無方。故無示。聽者無受。故無聞。學者無取。故無得。何以故爾。法無色。離形相。故法無受。離取捨。故法無行。離足跡。故法無名字。離分別。故如是道者。即爲無爲真一無漏之道。斷絕攀緣。究竟無染。上不爲結使所牽。漏落三塗地獄。受諸苦惱。故言無漏。不爲結使所牽。漏落三塗地獄。受諸苦惱。故言無漏。卽寂定無爲歸然常住。

秦跋陀禪師問生法師。作麼生說色空義。曰。衆微聚曰。色衆微無自性。曰。空。師曰。衆微未顯。喚作甚麼。生

罔措。其徒追問。未審如何說色空義。師曰。不道汝師說得不是。汝師祇說得果上色空。不會說得因中色空。曰。如何是因中色空。曰。一微空故。衆微空。衆微空故一微空。一微空中無衆微。衆微空中無一微空。天亦曰。色空。空色。色空。閑却。潼關路不通。

劫火洞然毫末盡。青山依舊白雲中。

鳩摩羅什答後秦主姚興曰。佛說色陰三世和合。總名爲色。五陰皆爾。又云從心生心。如從穀生穀。以是故知必有過去。無無因之咎。又云六識之意識。依已滅之意爲本。而生意識。又正見名過去業未來中果法也。又十力中第二力知三世諸業。又云若無過去

業則無三塗報。又云學人若在有漏心中。則不應名爲聖人。以此諸比。固知不應無過去。若無過去未來。則非通理。經法所不許。又十二因緣是佛法之深者。若定有過去未來。則與此法相違。所以者何。如有穀子地水時節。芽根得生。若先已定有。則無所待。有若先有。則不名從緣而生。又若先有。則是常倒。是故不得定有。不得定無。有無之說。唯時所宜耳。以過去法起行業。不得言無。又云今不與昔對。不得言有。又大品所明。過去如不離未來。現在如未來現在如。亦不離過去如。此亦不言無也。

肇公物不遷論曰。昔物自在昔。不從今以至昔。今物自在今。不從昔以至今。故仲尼曰。回也見新交臂。如故如此。則物不相往來明矣。旣無往返之微朕。又何物而可動乎。到交臂之頃。已失前人。豈客至老而後變耶。又前念已故。後念恒新。終日相見。恒是新人。故云如新。如此新人見之。只如交臂之頃。早是後念新人。非前念時也。故云非故耳。若前念已故。後念已新。新不至。故不得新。前後不相至。故不遷也。又雖兩個人初相見。只如舉手交臂之頃。早已往矣。此取速疾也。故云昔物自在昔。今物自在今。如紅顏自在童子之身。白首自然。則莊生之所以藏山。仲尼之所以臨川斯皆感往者之難留。豈曰排今而可往。人則謂少壯同體。百齡一質。徒知年往。不覺形隨。是以梵志出處老人之體。

家白首而歸隣人見之曰昔人尚存乎梵志曰吾猶昔人非昔人也隣人皆愕然非其言也所謂有力者負之而趨昧者不覺其斯之謂與俱舍論頌云如以瞑智者如眼睛緣極生厭怖爲客所謂江河競注而不流也以身中賈遷爲塵所謂交臂而非故也王肯堂曰世說客問樂令吉不至者樂亦不復剖析文句直以塵尾柄確几曰至不客曰至樂又舉麈尾曰若至者那得去然則至去初無定名本體元自不動故云觀方知彼去去者不至方也法華偈曰是法住法位世間相當住藏疏之不變擧論之不遷皆謂是耳

南嶽思大和尚云若言學者須先通心心若得通一切法一時盡通聞說淨不生淨念即是本自淨聞說

空不取空譬如鳥飛於空若住於空必有墮落之患無住是本自性體寂而生其心是照用卽寂是自性定卽照是自性慧卽定是慧體卽慧是定用離定無別慧離慧無別定卽定之時即是慧卽慧之時即是定卽定之時無有定卽慧之時無有慧何以故性自如故如燈光雖有二名其體不別卽燈是光卽光是燈離燈無別光離光無別燈卽燈是光體卽光是燈用卽定慧雙修不相去離定是慧體慧是定用卽慧之時定在慧卽定之時慧在定莫言先定發慧先慧發定法有二相定慧不等猶如燈光有燈卽光無燈卽暗燈是光之體光是燈之用名雖有二體本同一

南岳思大師獲宿智通尋復障起四支緩弱不能行
步自念曰病從業生業從心起心源無起外境何狀
病業與身都如雲影如是觀已顛倒想滅輕安如故
萬松云古人病中猶爲佛事南岳病障忽生便就病作一則因緣參云

智者大師與陳宣帝書云學道之法必須先識本原
求道由心又須識心之體性分明無惑功業可成一
了千明一迷萬惑心無形相內外不居境起心生境
亡心滅色大心廣色小心微乃至知心空寂卽入空
寂法門知心無縛卽入解脫法門知心無相卽入無
相法門覺心無心卽入真如法門若能知心如是者

卽入智慧法門

杜順和尚攝境歸心真空觀云謂三界所有法唯是
一心心外更無一法可得故曰歸心謂一切分別但
由自心曾無心外境能與心爲緣何以故由心不起
外境本空論云由依唯識故境本無體真空義成故
以塵無有故本識卽不生由此方知由心現境由境
顯心心不至境境不入心常作此觀智慧甚深宗鏡
賢首解攝論偈曰此中一剎那者卽謂無念楞伽解
曰以一剎那流轉必無自性故卽是無生若非無生卽不流轉是故契無生者方見剎那也○還源觀

盡空無有實。即是涅槃。

寂音曰於色聲等法念念分起滅無從當處解脫。先觀已眼曰是眼即不能自見其已體自體尚不見。云何見餘物。次觀前境曰若見是樹復云何樹。若見非樹云何見樹。次觀三際曰若現在是有耶。則過去未來亦應是有。若過去未來是無耶。則見在亦應是無。

棗柏長者曰有作之法難成隨緣無作易辦。作者勞而無功。不作隨緣自就。無功之功。功不虛棄。有功之功。功皆無常。多劫積修。終歸敗壞。一念緣起。無生超彼三乘權學等見。寂音曰讀棗柏論。於是頓見迦葉波說偈諸法從緣生。諸法從緣滅吉。○經曰智入三世而無來往。棗柏曰此華藏世界海明此教法。一念三世故。一念者爲無念也。無念卽

無三世古今等法。以明法身無念。一切衆生妄念三世多劫之法。不離無念之中。以是義故。此華藏世界所有莊嚴境界能現諸佛業。衆生三世所行行業。因果總現其中。或過去業現未來中。或未來業現過去中。或過去未來業現現在中。或現在業現過去未來中。如百千明鏡俱懸四面。前後影像互相徹故。爲法界之體性無時。故妄計三世之業頓現無時法中。偈曰。三世無有時。妄計三世法以真無妄想。一念現三世。三世無時者亦無有一念計著三世法。總現無時中。了達無時法。一念成正覺。世尊在摩竭提國阿蘭若法菩提場中。始成正

覺於普光明殿入剎那際三昧。明以法界身爲定體。無三世性故。從兜率下降神。及入涅槃四十九年住世。轉一切法輪。總不出剎那際。以此三昧圓通始終非三世古今故。如是敘致以總言之。一切過去現在未來諸佛。皆盡一時成佛。并衆生生死亦不移剎那際。但衆生妄計有年歲長短。如佛所說。卽生卽死。皆不移時。夫隨情言說。無有實義。以濟說倒。謂之方便。若出情之法則不然。但入剎那際三昧。卽成無上覺道。○寂音云。阿難偈曰。銷我億劫顛倒想。不歷僧祇獲法身。予觀法華經。諸菩薩摩訶薩從初湧出。以諸菩薩種種讚法而讚於佛。如是時間。經五十小劫。是時釋迦牟尼佛默然而坐。及諸四衆亦皆默然。五十小劫。佛神力故。令諸大衆。謂如平日。夫半日之間。歷五十小劫。顛倒想所持也。○又曰。十定品法門。其定名入剎那際。如三乘說八十生滅爲一剎那。八十剎那爲一念。如此一乘。但以剎那是極短促思慮不及之故。終不別論有生滅明如來出世。終

始不離剎那際爲一乘道理。情解有以情解者。疑網不除。且信佛語。自疑不斷。○論法華龍女成佛云。以法華經對權教三根見未盡者。令成信種。且將女相速轉成佛。令生奇特。方始發心趣真知見。不堪本法而起善根。此明且引三權令歸一實。又破彼時劫定執三僧祇。令於剎那證三世性本來一際。無始無終。執三僧祇。令於剎那證三世性本來一際。無始無終。稱法平等。裂三乘之見。網撤菩薩之草菴。令歸法界之門。入佛真實之宅。故令龍女成佛。明非過去久修。年始八歲。又表今非舊學。轉女時分不逾剎那。具行佛果。無虧毫念。法本如是。自體無時。權學三根。自將

1 2 3 4 5 6 7 8 9 10 11 12 13 14 15 16 17 18 19

見隔迷自實法。反稱爲他。不知躬已本分如斯。全處宅中。猶懷滯見。云何界外懸指三祇。此見不離定。乖永劫回心。見謝方始舊居。何如今時滅諸見業。徒煩多劫苦。因方回如華嚴經法界緣起門。明凡聖一真。猶存見隔。見存卽凡情亡。卽佛稱性緣起俯仰進退。屈伸謙敬。皆菩薩行無有一法可轉變相。有生住滅。故不同龍女轉身成佛。寂音曰。龍旁生女有五障。八歲非久積功力。忽然之頃。非歷塵劫乃化而成佛者。超越脫離。凌跨十世。猛利成就之象也。方等深經。有正言之者。首楞嚴曰。金剛王寶覺。彈指超無學。華嚴。

曰。超諸方便成十力是也。

澄觀和尚華嚴疏云。上來諸門乃至無盡。不離一心。一心卽法界。故起信云。所言法者。謂衆生心。心體卽大心。之本智。卽方廣。觀心起行。卽華嚴。覺心性。相卽是佛。覺非外來。全同所覺。故理智不昧。理智形奪。雙亡寂照。則念念皆是華嚴性海。則物我皆殊泯。同平等。爲未了者。今了自心。若知物物皆心。方了心性。故梵行品云。知一切法。卽心自性。成就慧身。不由他悟。然今法學之者。多棄內而外求。習禪之者。好亡緣。而內照。竝爲偏執。俱滯二邊。旣心境如如。則平等無礙。

昔曾瑩鏡兩面鑒。一盞燈置一尊容。而重重交光。佛
佛無盡見夫心境平照本智雙入心中悟無盡之境。
境上了難思之心。心境重重智照斯在。又卽心了境
界之佛。卽境見惟心如來。心佛重重而本覺性一皆
取之不可得。則心境兩亡。照之不可窮。則理智交徹。
心境旣爾。境境相望。心心互研。萬化紛綸。皆一致也。
唯證相應。名佛華嚴矣。釋云。今人只解卽心卽佛是境。作佛今明以如爲佛心境。皆如心如卽佛境如焉。非又心有心性。心能作佛境。有心性安不作佛。以心收境。則心中見佛。是境界之佛。以境收心境。中見佛。是唯心如來。

清涼國師答皇太子問心要云。逃現量則惑苦紛然。

悟真性則空明廓徹。有證有知則慧日沉沒於有地。
若無照無悟。則昏雲掩蔽於空門。迷悟更依真妄相
侍。若求真棄妄。猶棄影勞形。若體妄卽真。猶處陰影
滅。若無心忘照。則萬慮都捐。若任運寂知。則衆行爰
起。言止則雙忘。知寂論觀。則雙照寂知。語證則不可
示人。說理則非證不了。是以悟寂無寂。真知無知。以
知寂不二之一心。契空有雙融之中道。般若非心外
新生。智性乃本來具足。然本寂不能自現實。由般若
之功。般若之與智性。翻覆相成本智之與始修實無
兩體。雙忘證入。則妙覺圓明。始末該融。則因果交徹。

已下宗鏡引證

高僧靈潤云。捨外塵邪執得意言分別捨唯識想得真法界前觀無相捨外塵相後觀無生捨唯識想常與法侶登山遊觀野火四合衆皆奔散獨安步顧陟語曰心外無火火實自心謂火可逃無由免火及火至潤而潛然息滅○復禮法師曰觀業者業因心起心爲業用業引心而受形心隨業而作境然則因業受身身還造業從心作境境復生心若影隨形而曲直猶響隨聲而大小矣智證傳云廣百論偈云眼中俱無何能令見色高僧靈潤嘗修此觀也

法照禪師云經云阿僧祇百千名號皆是如來異名卽真心之別稱也夫縛從心縛解從心解縛解從心不關餘事出要之術唯有觀心乃至若舉一心門一切唯一心若一法非心則是心外有誰能在心外別制一條者○梵禪師云若知一切法皆是法卽得解脱眼是法色是法經云不見法還與法作繫縛亦不見法還與法作解脫○藏禪師云於一切法無所得者卽心是道眼不得一切色耳不得一切聲○緣禪師云譬如家中有大石尋常坐臥或作佛像心作佛解畏罪不敢坐皆是意識筆頭畫作自忙自怕石

中實無罪福。○安禪師云。直心是道。何以故。直心直用。更不觀空。亦不求方便。經云。直視不見。直念不思。直受不行。直說不煩。○覺禪師云。若悟心無所屬。卽得道跡。眼見一切色。眼不屬一切色。是自性解脫經云。一切法不相屬。故心與一切法各不相知。○圓寂尼云。一切法唯心無對。卽自在解脫。經云。一切法不與眼作對。何以故。法不見。法法不知法。

古德問云。若言自他俱是自心現。離心無實。我人者。諸佛亦見有衆生。豈可有妄心未盡耶。答。諸佛見有衆生。俱是緣生幻有。衆生不知。謂實有我。所以造業

受報枉有輪迴。此由無實我。感諸佛慈悲。若實有我。非是妄有者。諸佛何故妄救衆生。以我實有不可救。故今爲救者。定知無我妄計有也。故知衆生不離佛界。逃不覺知。宗鏡

學人問安國和尚。若未悟時。善惡緣業是有不。答。非有。喻如夜夢。被惡人逐。或作梵王。帝釋將爲是有。豁然睡覺。寂然無事。信知三界本空。唯是一心。○學人又問。何名識心。見性。答。喻如夜夢。見好與惡。若知身在牀上。安眠全無憂喜。卽是識心見性。如今有人聞作佛便喜。聞入地獄卽憂。不達心佛在菩提牀上安

眠妄生憂喜。

傳印宗金光五

已下此土諸祖法嗣。向居士云。影由形起。響逐聲來。弄影勞形。不知形是影。本揚聲止響。不識聲是響根。除煩惱心而求涅槃。喻去形而覓影。離衆生心而求佛道。喻默聲而尋響。故知迷悟一途愚智非別。無名作名。因其名則是非生矣。無理作理。因其理則諍論起矣。幻作非真。誰非誰是虛妄非實。何有何空。將知得無所得失。無所失矣。

牛頭初祖云。諸佛於此得菩提者。此是心處得菩提。

色處轉法輪。眼處入涅槃。若爾者。身中究竟解脫法。身常在淨土。具足更少何物。復更何求。初發心時。便成正覺。○融大師云。一切凡聖三塗已上。種智已還。皆妄想謂有。竝是夢中。如人夢中見在地獄。種種方便。求脫。浪生辛苦。但抖擻令覺。卽一切事盡無。如今盡是夢中所作。還受夢報。○又云。不離五陰有佛。○鏡像本無心。說鏡像無心。從無心中說無心。人說有心。說人無心。從有心中說無心。有心中說無心。是末觀無心中說無心。是本觀。衆生計有身心。說鏡像破。身心衆生著鏡像。說畢竟空破鏡像。若知鏡像畢竟。

空卽身心畢竟空。假名畢竟空亦無畢竟空。佛道非天生亦不從地出。直是空心性照世間如日。○博陵王問曰。境發無處所。緣覺了知生境。謝覺還轉覺。乃變爲境。若以心曳心。還爲覺所覺。從之隨隨去。不離生滅際。師曰。色心前後中。實無緣起境。一念自疑惑。誰能計動靜。此知自無知。知知緣不會。當自檢本形。何須求域外。前境不變。謝後念不來。今執月求玄影。討跡逐飛禽。欲知心本性。還如視夢裏譬之六月冰。處處皆相似。避空終不脫。求空復不成。借問鏡中像。心從何處生。志公云。大士肉眼圓通。二乘天眼有賢融大師云。不取天眼等五通。造事外道。

唯取入理
凡夫耳。

牛頭下石窟和尚問。佛身無漏戒定熏修五陰不縛不脫。且如大品經云。衆生不善五陰之身亦不縛不脫。令人驚疑。答若向衆生五陰外。別有諸佛解脫。無有是處。衆生不了色心清淨。妄想顛倒。不得解脫。若知人法常空。其中實無縛脫。

佛窟下雲居和尚云。世出世間俱不越。自一念妄心而有一念纔起。萬象分剝。一念相生便成心境。若非心境。何得有念可見。既有所見之念。又有能見之心。將知念即是境。見即是心。所見之念便成色蘊。能見

之心便成四蘊。經云。五蘊是世間。一念具五蘊。二
蘊中皆具五蘊。故得一不礙多。多不礙一。所以心境
交通。平爲賓主。經云。境智平相涉入。重重無盡。卽是
一塵含法界。一一法皆徧也。觀自一念動。卽恒沙世
界。一時振動。觀自一念常定。卽六道衆生。悉皆常定。
若諦了一念之體。卽恒沙世界。常現自心。由逃一念
卽境智胡越。

天后問慧安國師。甲子多少。師云。不記。后云。何不記。
耶師云。生死之身。其若循環環。無起盡。安用記爲。况
此心流注。中間無間。見漚起滅者。乃妄想耳。從初識

至動相滅時。亦只如此。何歲月而可記乎。后稽頤信
受。梁時。請百大德至朝門。嚴備甲兵。試其怖否。九
十九人悉皆驚走。唯一人不生怖畏。王問和尚何故。
不怕答云。怕何物。我初生孩童時。刹那
刹那念念已死。何得今日反怖死乎。

杜鵑漸詣白厓。無住問法。時聞鴉鳴。杜問師。聞不。曰。
聞鴉去。又問。曰。聞。杜曰。鴉去無聲。云何言聞。師曰。聞
與不聞。非關聞性。有聲之時。是聲塵自生。無聲之時。
是聲塵自滅。而此聞性。不隨聲生。不隨聲滅。悟此聞
性。則免聲塵流轉。色香味觸。亦復如是。當知聞無生
滅。聞無去來。釋念常云。無住說法妙合。楞嚴聞無生滅之旨。

壽州道樹禪師得法於北宗秀。卜壽州三茅山結茅。

而居常有野人服色素朴言談詭異時忽化作佛及菩薩羅漢天仙等形或放神光或呈聲響學徒覩之皆不能測涉十年後寂無形影師告衆曰野人作多色伎倆眩惑於人只消老僧不見不聞伊伎倆有窮吾不見不聞無盡楞嚴中天魔附人其形斯須或爲帝釋或比丘尼起信亦云或現天像菩薩像亦作如來像相好具足應知此之野人非爲山鬼卽天魔也

司空山本淨禪師曰若作見聞覺知解會與道懸殊卽是求見聞覺知之者非是求道之人經云無眼耳鼻舌身意六根尚無見聞覺知憑何而立窮本不有何處存心○爲有妄故將真對妄推窮妄性本空真

亦何曾有故知真妄總是假名一事對治都無實體曰旣言一切皆妄妄亦同真真妄無殊復是何物師曰若言何物何物亦妄經云無相似無比况言語道斷如鳥飛空偈曰推真真無相窮妄妄無形返觀推窮心知心亦假名會道亦如此到頭亦只寧○善惡二根皆因心有窮心若有根亦非虛推心旣無根因何立經云善不善法從心化生善惡業緣本無有實偈曰善旣從心生惡豈心有善惡是外緣於心實不有捨惡從何處取善令誰守傷嗟二見人攀緣兩頭走若悟本無心始悔從前咎○問曰此身從何

而來百年之後復歸何處。師曰。如人夢時從何而來。睡覺時從何而去。曰。夢時不可言無。既覺不可言有。雖有有無來往無所。師曰。貧道此身亦如其夢。偈曰。視生如在夢。夢裏實是鬧。忽覺萬事休。還同睡時悟。智者會夢悟。迷人信夢鬧。會夢如一般。一悟無別悟。忠國師問禪客。南方知識如何。示人曰。彼方知識直下示人。卽心卽佛。佛是覺義。汝今悉具見聞覺知之性。此性善能揚眉瞬目。去來運用。徧於身中。挾頭頭知。挾腳脚知。故名正徧知。離此之外。更無別佛。此身卽有生滅心性。無始以來。未曾生滅。身生滅者。如龍。

換骨蛇蛻皮人。出故宅。卽身是無常。其性常也。師曰。若然者。與彼先尼外道無有差別。彼云我此身中有一神性。此性能知痛癢。身壞之時。神則出去。如舍被燒。舍主出去。舍卽無常。舍主常矣。審如此者邪。正莫辯。苦哉。吾宗喪矣。若以見聞覺知是佛性者。淨名不應云。法離見聞覺知。若行見聞覺知。是則見聞覺知。非求法也。又問法華了義。開佛知見。此復若爲師曰。他云開佛知見。尚不言菩薩二乘。豈以衆生癡倒。便同佛之知見耶。又問阿那個是佛心。師曰。牆壁瓦礫。是僧曰。與經大相違也。涅槃云。離牆壁無情之物。故

名佛性。今云是佛心未審心之與性爲別不別。師曰。逃卽別悟卽不別。譬如寒月。水結爲冰。及至暖時。冰釋爲水。衆生逃時結性成心。悟時釋心成性。華嚴云。應觀法界性。一切唯心造。今且問汝。無情之物。爲在三界內爲在三界外。爲復是心不是心。若非心者。經不應言三界唯心。若是心者。又不應言無性。汝自違經。我不違也。問無情既有佛性。還解說法否。師曰。他熾然常說無有間歇。曰。某甲爲甚麼不聞。師曰。汝自不聞。曰。誰人得聞。師曰。諸聖得聞。曰。衆生應無分耶。師曰。我爲衆生說。不爲諸聖說。曰。某甲聾瞽。不聞無

情說。法師應合聞。師曰。我亦不聞。曰。師旣不聞。爭知無情解說。法師曰。賴我不聞。我若得聞。則齊於諸聖。汝則不聞。我說法。曰。衆生畢竟得聞不。師曰。衆生若聞。卽非衆生。曰。無情說法有何典據。師曰。不見華嚴云。刹說衆生說。三世一切說。衆生是有情乎。曰。師但說無情有佛性。有情復若爲師。曰。無情尚爾。况有情耶。又問。若然者。南方云。見聞覺知是佛性。不合判同外道。師曰。不道佗無佛性。外道豈無佛性耶。但緣見錯於一法中而生二見也。曰。衆生佛性既同。只用一佛修行。一切衆生應時解脫。今旣不爾。同義安在。師

曰。華嚴六相義云。同中有異。異中有同。成壞總別。類例皆然。衆生佛雖同一性。不妨各自修自得。未見佗食我飽。曰。有知識示學人。但自識性。了無常時。拋却殼漏子。靈臺智性。迥然而去。名爲解脫。師曰。猶是二乘外道之量。二乘厭離生死。欣樂涅槃。外道亦云。吾有大患。爲吾有身。乃趣乎冥諦。須陀人八萬劫餘三果人六四二萬劫。辟支佛一萬劫住空定中。外道八萬劫住非非想中。二乘劫滿猶能回心向大外道還卽輪迴。曰。佛性一種爲別。師曰。不得一種。或有全不生滅。或半生半滅。半不生滅。我此間佛性全不生滅汝。南方佛性半生半滅半不生滅。曰。如何區別。師曰。此則身心一如。身外無餘。所以全不生滅。南方身是無常。神性是常。所以半生半滅半不生滅。曰。師亦言卽心是佛。南方知識那有異同。師曰。或名異體同。或名同體異。菩提涅槃真如佛性。名異體同。真心妄心。佛智世智。名同體異。南方錯將妄心言是真心。認賊爲子。取世智稱爲佛智。魚目亂珠。不可雷同。事須甄別。曰。若爲離得此過。師曰。汝但仔細返觀陰入界處。一一推窮。有纖毫可得。不曰仔細觀之。不見一物。可得。曰。汝壞身心相邪。曰。身心性離。有何可壞。曰。身

心外更有物不曰身心無外。寧有物耶。曰汝壞世間相邪。曰世間相卽無相。那用更壞。師曰若然者。卽離過矣。○問卽心卽佛可更修萬行否。師曰諸聖皆具二嚴。豈撥無因果耶。○學人問忠國師。不作意時。得寂然不答。若見寂然。卽是作意。宗鏡云。所以意根難唯作無著任緣之解。惶於邪思。卽起冥合寂然之心。亦存見地。故知盡是意見爲禪說。病爲法。如蒸砂作飯。緣木求魚。費力勞功。枉經塵劫。心若不起。萬法無生。纔有起心。卽成住著。

永嘉奢摩他頌云。若以知知寂。此非無緣知。如手執如意。非無如意手。若以自知知。亦非無緣知。如手自作拳。非是不拳手。亦不知知寂。亦不自知知。不可謂

超言若取知能知。寂未免於言。有所緣故。知自知。亦非無緣故。須能所平等等不失照。故無知之知。不知同木石。故云能見。斯爲禪宗之妙。

定中三應須別。一安住定。謂妙性

天然。本自非動。二引起定。謂澄心寂泊。發瑩增明。三

辦事定。謂定水凝清。萬像斯鑑。慧中三應須別。一人

空慧。謂了陰等諸法。緣假非實。如鏡像水月。二空空慧。謂了境智俱空。是空亦空。見中三應須識。一空見謂

見空。而見非空。二不空見。謂見不空。而見非不空。三

性空見謂見自性而見非性。○料簡之法須明識一念之中五陰謂歷歷分別明識相應即是識陰領納在心即是受陰心緣此理即是想陰行用此理即是行陰。汗穢真性即是色陰此五陰者舉體即是一念此一念者舉體全是五陰歷歷見此一念之中無有主宰卽人空慧見如幻化卽法空慧。○毗婆舍那頌云夫境非智而不了智非境而不生智生則了境而生境了則智生而了了無所了了境而生生無能生雖智而非有了無所了雖境而非無無卽不無有卽非有有無雙照妙悟蕭然如火得薪彌加

熾盛薪喻發智之多境火比了境之妙智其辭曰若智了於境即是境空智如眼了花空是了花空眼若智了於智即是智空智如眼了眼空是了眼空眼智雖了境空及以了智空非無了境智境空智猶有了境智空智無境智不了如眼了花空及以了眼空非無了花眼花空眼猶有了花眼空眼無花眼不了。○優畢又頌云第三語其相應者心與空相應則譏毀讚譽何憂何喜身與空相應則刀割脊塗何苦何樂依報與空相應則施與劫奪何得何失心與空不空相應則愛見都忘慈悲普救身與空不空相應則內

同枯木外現威儀。依報與空不空相應。則永絕貪求資財。給濟心與空不空非空非不空相應。則實相初明。開佛知見。身與空不空非空非不空相應。則一塵入正受。諸塵三昧起。依報與空不空非空非不空相應。則香臺寶閣嚴土化生。宗鏡云是以若不斷四種灌漏。究竟無滿日。第七明其是非者。心不是有。心不是無。心不非有。心不非無。是有是無即墮是非。有非無即墮非。如是祇是是非之非。未是非是非非之是。今以雙非破兩是。是破非是猶是非。又以雙非破兩非。非破非非即是。是祇是非是非非之是。未是非不

所令修種智。同契圓伊。或毀或譽。抑揚當時耳。○事理不二。云性之既空。雖緣會而非有。緣之既會。雖空而不無。是以緣會之有。有而非有。性空之無無而非無。會卽性空。故言非有。空卽緣會。故曰非無。今言不有不無。非是離有別有一無也。亦非離無別有一有也。如是則明法非有無。故以非有非無名耳。不是非有非無。旣非有無。又非非有非非無也。何獨言語道斷。亦乃心行路滅也。

荷澤顯宗記云。涅槃般若。名異體同。隨義立名。故云法無定相。涅槃能生般若。卽名真佛法身。般若能建

涅槃。故號如來知見。知卽知心空寂。見亦見性無生知見。分用不一不異。故能動寂常妙。理事皆如。六根不染。卽定慧之功。六識不生。卽如如之力。心如境謝。境滅心空。心境雙亡。體用不異。真如性淨。慧鑒無窮。如水分千月。能見聞覺知。見聞覺知而常空寂。空卽無相寂。卽無生。○僧問荷澤會師。見聞照聲色時。唯復抗行耶。唯有先後會。曰。抗行先後。卽且置汝。畢竟將什麼作聲色。僧曰。如師所論。則無聲色可得也。於是再拜。卽日發去。後隱於蒙山。

草堂和尚云。夫帝網未張。千縷焉覩。宏綱忽舉。萬目

自開心。佛雙照觀也。心佛雙亡止也。定慧既均亦何心而不佛。何佛而不心。心佛既然。則萬境萬緣無非三昧也。○圭峰示溫造尚書曰。衆生無始劫來。未曾了悟。妄執身爲我相。隨情造業。隨業受報。生老病死。長劫輪迴。然身中覺性。未曾生死。如夢被驅役。身本安閒。如水作冰。溼性不易。若能悟此性。即是法身。本身自無生。何有依托。靈靈不昧。了了常知。無所從來。亦無所去。然多生妄執。習以性成。喜怒哀樂。微細流注。須常覺察。損之又損。如風頓止。波浪漸停。豈可一生所修。便同諸佛力用。唐宣宗問弘辨禪師。何爲頓見。何爲漸修。曰。頓明自性。與佛同。

儕然有無始染習。故假漸修對治。今順性起用。如人喫飯。不一口便飽。○偈曰。作有義事。是惺悟心。作無義事。是狂亂心。狂亂隨情念。臨終被業牽。惺悟不由情。臨終能轉業。釋曰。旣隨妄念。欲作卽作。不以悟理之智。簡擇是非。猶如狂人。故臨終時。率於業道。被業所引。受當來報。故涅槃云。無明郎主。貪愛魔王役使。身心策如僮僕。情中欲作而察理不應。卽須便止。情中不欲作而照理相應。卽須便作。但由是非之理。不由愛惡之情。卽臨命終時。業不能繫。隨意自在。天上人間也。通而言之。但朝暮之間所作。被情塵所牽。卽臨終被業所牽。而受生。若所作所

爲由於覺智不由情塵。卽臨終由我自在而受生。不由業也。當知欲驗臨終受生自在不自在。但驗尋常行心於塵境。自由不自由。

已下五燈諸宗

讓大師云。一切萬法皆從心生。森羅及萬象。一法之所印。凡所見色。皆是自心。心不自心。因色故心。從心所生。卽名爲色。知色空故。生卽不生。

宗鏡

吉州思和尚云。卽今語言。卽是汝心。此心是佛。是實相法身。佛經云。有三阿僧祇百千名號。隨世界應處立名。如隨色摩尼珠觸青卽青。觸黃卽黃。寶本色。如

指不自觸。刀不自割。鏡不自照。隨像所現之處。各各不同。此心與虛空齊壽。若入三昧門。無不是三昧。若入無相門。總是無相。隨立之處。盡得宗門語言啼笑。屈伸俯仰。各從性海所發。故得宗名。相好之佛。是因果佛。卽實相佛家用。經云。三十二相。八十種好。皆從心想生。亦云法性家焰。又云法性功勳。隨其心淨。卽佛土淨。諸念若生。隨念得果。應物而現。謂之如來。隨應而去。故無所求。一切時中。更無一法可行。自是得法。不以得更得。是以法不知法。法不聞法。平等卽佛。佛卽平等。不以平等更行平等。

馬祖示衆云。自性本來具足。但盡三界心量。一念妄生。即是三界生死根本。但無一念卽除生死根本。無量劫來。凡夫妄想。譖曲邪僞。我慢貢高。合爲一體。故經云。但以衆法合成此身。起時唯法起。滅時唯法滅。此法起時。不言我起。滅時。不言我滅。前念中念後念。念念不相待。念念寂滅。喚作海印三昧。攝一切法。如百千異流。同歸大海。都名海水。如人在大海中浴。卽用一切水。所以聲聞悟迷。凡夫逃悟。不知聖心本無地位。因果階級。心量妄想修因證果。住於空定。八萬劫。二萬劫。雖卽已悟。悟已却迷。諸菩薩觀如地獄苦。

沉空滯寂。不見佛性。一切衆生從無量劫來。不出法性三昧。長在法性三昧中。著衣喫飯。言談祇對。六根運用。一切施爲。盡是法性。若能一念返照。全體聖心。汝等各達。自心莫記我語。縱饒說得河沙道理。乃至分身放光。現十八變。不如還我死灰來。淋過死灰無力。喻聲聞妄修。因證果未淋死灰。有力。喻菩薩道業純熟。諸惡不染。若說如來權教三藏。河沙劫說不盡。猶如鈎鎖。亦不斷絕。若悟聖心。總無餘事。○道不用修。但莫污染。何謂污染。但有生死。造作趣向。皆是汙染。若欲直會其道。平常心是道。只如今行住坐臥。應

機接物。盡是道。道即是法界。乃至河沙妙用。不出法界。若不然者。云何言心地法門。云何言無盡燈。若於教門中。得隨時自在。建立法界。盡是法界。若立真如。盡是真如。若立理。一切法盡是理。若立事。一切法盡是事。舉一千從事理無別。皆由心之迴轉。譬如月影有若干。真月無若干。諸源水有若干。水性無若干。森羅萬象有若干。虛空無若干。說道理有若干。無礙慧無若干。種種成立。皆由一心也。建立亦得。埽蕩亦得。盡是妙用。非離真而有立處。立處卽真。盡是自家體。一切法皆是佛法。諸法即是解脫。解脫者即是真如。

經云。在在處處。則爲有佛。人法俱空。凡聖情盡。轉無等輪。超於數量。如天起雲。如畫水成文。不生不滅。是大寂滅。在纏名如來藏。出纏名淨法身。應物現形。如水中月。不盡有爲。不住無爲。有爲是無爲家用。無爲是有爲家依。不住於依。故曰如空無所依。心生滅義心真如義。心真如者。如明鏡照像。鏡喻於心。像喻於法。若心取法。卽涉外因緣。卽是生滅義。不取於法。卽真如義。在迷爲識。在悟爲智。順理爲悟。順事爲迷。逃則迷。自本心悟。則悟自本性。一悟永悟。不復更迷。如日出時。不合於暗。智慧日出。不與煩惱暗俱。了心境。

界妄想卽除。妄想旣除。卽是無生法性。本有今有。不假修道。坐禪不修不坐。卽是如來清淨禪。若見此理。真正不造諸業。隨分過一生。一衣一衲。坐起相隨。戒行增熏。積於淨業。但能如是。何慮不通。○若此生所經行之處。及自家田宅處所。父母兄弟等。舉心見者。此心本來不去。莫道見彼事。則言心去。宗鏡云。心性無起滅。所經行處及父母眷屬等。今所見者。由昔時見故。皆是第八含藏識中。憶持在心。非今心去。亦名種子識。亦名含藏識。貯積昔所見者。識性虛通。念念自見。名巡舊識。亦名流注生死。此念念自離。不用斷滅。若滅此心。名斷佛種性。此心本是真如之體。甚深如來藏。而與七識俱。傳大士云。心性無來。亦無去。緣慮流轉。○汾州大達國師問馬祖。卽心是佛。實未明。

了。祖云。卽你不了解底。心是更無別物。迷卽衆生悟卽是佛。如拳作掌。如掌作拳。師言下知歸業。宗鏡作無和尚

石頭和尚上堂。不論禪定精進。唯達佛之知見。卽心卽佛心。佛眾生菩提煩惱。名異體一。當知自己心靈體離斷常。性非垢淨。湛然圓滿。凡聖齊同。應用無方。離心意識三界六道。唯自心現水月鏡像。豈有生滅。汝能知之。無所不備。諸聖所以降靈垂範。廣述浮言。蓋欲顯法身本寂。令歸根耳。

僧問百丈。從上祖宗。皆有密語。遞相傳受。如何。丈曰。無有密語。如來無有祕密藏。祇如今鑑覺語言分明。

覓形相了不可得。是密語。從須陀洹向上直至十地。但有語句。盡屬法之塵垢。但有語句。盡屬煩惱邊收。但有語句。盡屬不了義教。但有語句。卽不許也。了義教俱非也。更討什麼密語。○學人問。對一切境如何。得心如木石答。一切諸法本不自言是非垢淨亦無心繫縛人。但人自虛妄計著作若干種解。起若干種見。生若干種畏愛。但了諸法不自生。皆從自己一念妄想顛倒取相而有。知心與境本不相到。當處解脱一一諸法。一一諸心。當處寂滅。當處道場。本有之性不可名目。本來不是凡。不是聖。不是智。不是愚。不是垢。不是淨。亦非空。有善惡。與諸染法相應。名衆生界。與諸淨法相應。名人天二乘界。若垢淨心盡不住繫縛。不住解脫。無一切有爲無爲縛脫平等心量。處於生死其心自在畢竟不與諸虛幻塵勞蘊界生死諸入和合。迥然無計。一切不拘去留無礙往來。生死如門開相似。○百丈和尚上堂。靈光獨耀。迥脫根塵體露真常。不拘文字。心性無染。本自圓成。但離妄緣。卽如如佛。叢林舉唱謂之百丈門風。○廣錄云。修禪學慧。須辨清濁語。濁法者。貪瞋愛取等多名也。清法者。菩提涅槃解脫等多名也。只如今鑑覺。但於清濁兩流。凡聖等法。

色香味觸法。世間出世間法。都不得纖毫愛取。既不愛取。依住不愛取。是初善。是住調伏心。是聲聞人是戀筏不捨人。是二乘道。是禪那果。既不愛取亦不依住不愛取。是中善。是半字教。猶是無色界。免墮二乘道。免墮魔民道。猶是禪那病。是菩提縛。既不依住不愛取。亦不作不依住知解。是後善。是滿字教。免墮無色界。免墮禪那病。免墮菩薩乘。免墮魔王位。爲智障地障行障故。見自己佛性。如夜見色。如云佛地斷二愚一微細所知愚。二極微細所知愚。若透得三句過。不被三段管教家舉。喻如鹿三跳出網。喚作纏外。

人無物得拘繫渠。是屬然燈後佛。是使得無所礙。風是作車運載因果。處於生不被生之所留。處於死不被死之所礙。處於五陰。如門開相似。去住自由。不被五陰礙。不論階梯勝劣。乃至蟻子之身。盡是淨妙國土。不可思議。此猶是解縛語。彼自無瘡。勿傷之也。佛瘡菩薩等瘡。但說有無等法。盡是傷也。有無管一切法。十地是濁流河。衆作清流。說豎清相。說濁過患。向前十大弟子舍利弗。富樓那。正信阿難。邪信善星等。個个有榜樣。個个有則候。一一被導師說破。不是四禪八定阿羅漢等。住定八萬劫。他是依執所行。守初

知爲解。名頂結亦名墮頂。結是一切塵勞根本。自生知見。無繩自縛。所知故繫。世有二十五。又散一切諸煩惱門。縛著於佗。此初知。二乘見之。名爲爾。談識亦名微細煩惱。便卽斷除。旣得除已。名爲回神住空窟。亦名三昧酒所醉。一云被淨法酒醉亦名解脫魔所縛。世界成壞定力所持。漏向別國土。都不覺知。亦名解脫深坑可畏之處。一念心退。墮地獄如箭射。捺生招箭言鑑覺。猶不是從濁辨清。許說鑑覺是除鑑覺外。別有盡是魔說。若守住如今鑑覺。亦同魔說。亦名天然外道說。如今鑑覺是自己佛是尺。

是圖度語似野

干鳴。猶屬蘿膠門。若執住自知自覺。是禪那病。是徹底聲聞。如水成冰。救渴難望。亦云必死之病。世醫拱手。過去諸佛皆說三乘法。假立名字。本不是佛說。是佛本不是菩提說。菩提涅槃解脫等知渠。擔百石。擔不起。且與一升一合。擔知難信了。義教且與說不了。義教且得善法流行。亦勝惡法。善果限滿。惡果便到。得佛則有衆生到。得涅槃則有生死到。得明則有暗。到但是有漏因果翻覆。無有不相酬獻者。若心有少許作解。卽被量數管著。亦如卦兆。被金木水火土管。亦如蘿膠。五處俱黏。魔王捉得。自在還家。如今能於

自己五陰不爲其主。被人割截支解。無怨吝心。一
等事都無一念。彼我猶依住。無一念。名法塵垢。十地
人脫不去。流入生死河。常勸人懼法塵煩惱。如懼三
塗。乃有獨立分。假使有一法過於涅槃者。亦無少許。
珍重想。此人步步是佛。不假脚踏蓮花。分身百億。如
於一切有無等法。有纖毫愛染。縱腳踏蓮花。亦同魔
作。若執本清淨解脫。是佛是禪道解。卽自然外道。若
執因緣修成證得。卽因緣外道。執有卽常見外道。執
無卽斷見外道。執亦有亦無。卽邊見外道。執非有非
無。卽空見外道。亦云愚癡外道。有病不喫藥。是愚人
無病喫藥。是聲聞人定執一法。名定性聲聞。一向多
聞。名增上慢。聲聞知他名。有學聲聞。沈空滯寂。及自
知名無學聲聞。貪瞋等是毒。十二分教是藥。毒未銷。
藥不得除。無病喫藥。藥變成病。○問。二十年中常令
除糞。如何。師云。但息一切有無知見。一切貪求。箇箇
透過三句外。是名除糞。如今求佛求菩提。求一切有
無等法。是名運糞入。不名運糞出。如作佛見作佛解。
但有所見所求所解。是名戲論之糞。黃檗云。淨名言。常令除糞。祇是除去心中所有法華。見解。又云。蠲除戲論之糞。亦名麤言。亦名死法。如
云。大海不宿死屍。等閒說話。不名戲論。說者辨清濁。

名戲論。○唯貪義句知解。不知却是繫縛煩惱。故云見河能漂香象。問僧見不答。見又問見復如何。答見無二。丈曰。旣云見無二。不以見見於見。若見更見爲前見是爲後見是。經云。見見之時。見非是見。見猶離見。見不能及。所以云不行見法。不行聞法。不行覺法。諸佛疾與授記。○智濁照清。慧清識濁。在佛名照慧。在菩薩名智。在二乘及衆生邊名識亦名煩惱。在佛名果中說因。在衆生名因中說果。在衆生名五陰叢林。在佛名本地無明。是無無明。故云無明爲道體。不同衆生暗蔽無明。彼是所。此是能。彼是能聞。此是所。丈云。無諸魔來。卽是呪。

南泉王老師云。佛出世來。只教會道。不爲別事。大道無形。真理無對。等空不動。非生死流。三界不攝。非去來今。所以明暗自去來。虛空不動搖。萬象自去來。明暗實不鑑。如今有人將鑑覺知解者。是道。皆前境所

引隨他生死流。何曾得自由。所以智不是道。可不難矣。云是什麼智。是什麼道。若論世間福智。只得喚作莊嚴具。亦云福智二嚴。亦云受用具。皆是對治。喚作什麼佛出世。只喚作三界智人。未出世時。喚作甚麼物。若論無滲本。自具足。妙用自通。無人覺知。潛行密用。蹤跡難尋。所以天魔波旬。將諸眷屬。久遠劫來。覓菩薩一念起處。不可得。天魔贊嘆云。佛法至妙。我實難測。如今但會如如之理。直下修行。無量劫來。性不變異。卽是修行。妙用而不住。便是菩薩行。達諸法空。妙用自在色身三昧。熾然行六波羅蜜空。處處無礙。

遊於地獄。猶如變觀。不可作伊。不得作用。衆生無量劫來。迷於本性。不自了體。雲塵暫聳。著諸惡欲。雲駢月運。舟行岸移。暫時岐路。不得自在。種種受苦。不自覺知。乃至今日。會取從來性。與今日不別。若言卽心卽佛。如兔馬有角。若言非心非佛。如牛羊無角。所以如來藏實。不覆藏。五蘊本空。師子何曾在窟。亦云性水。亦云法水。法水如波。性水如溼。水不洗水。佛不度佛。演若達多。迷頭認影。便道失却頭。傍家覓。縱覓得又不是已。頭功德天。黑暗女。有智主人。二俱不受。直道性無住處。是築著物。亦云聞聞。是大涅槃道者。个

物不是聞不聞兄弟麤細想念分割但是貪求皆屬境三乘五性麤細而論不出情量纖毫瞥起精魅所附他且不許見聞覺知自似个癡鈍人少神人百事不知最好普賢其時道我將心聞文殊云初心不能入云何獲圓通被一棒粉碎無事珍重○示衆云然燈佛道了也若心相所思出生諸法虛假皆不實何以故心上無有云何出生諸法猶如形影分別虛空如人取聲安置篋中亦如吹網欲令氣滿故老宿云不是心不是佛不是物且教你兄弟行履據說十地菩薩住首楞嚴三昧得諸佛祕密法藏自然得一切

禪定解脫神通妙用至一切世界普現色身轉大法輪入涅槃教化無量衆生得無生法忍尚喚作所知愚極微細所知愚與道全乖大難大難○僧問大道不屬見聞覺知未審如何契會師曰須會冥契自通亦云了因非從見聞覺知有見知屬緣對物始有者個靈妙不可思議不是有對故云妙用自通不依傍物所以道通不是依通事須假物方始得見所以道非明暗法冥會真理非見聞覺知故云息心達本源故號如如佛必竟無依自在人亦云本果文殊云惟從了因之所了不從生因之所生從上已來只教人

佛說金剛經

會道更不別求。若思量作得道理。盡屬句義。三乘五
性義理。無不喚作行履處處受用。具足卽得。若論道
卽不是一向耽著。被他識拘。亦云世間智。所以云佛
不會道。我自修行。我自有妙用。亦云正因了六波羅
蜜空。卽物拘我不得。如今多有人喚心作佛。喚智爲
道。見聞覺知。皆是道。若如是會者。何如演若達多。逃
頭認影。設使認得。亦不是汝本來頭。故大士訶迦旃
延以生滅心說實相法。皆是情見。汝心若是佛。亦何
用。非他有無形相。以何是道。所以教中不許寧作心
師。不師於心。心如工伎兒。意如和伎者。故云佛有道。

心不離見聞覺知。皆屬因緣而有。皆是炤物而有。不可常炤。所以心智俱不是道。且大道非明暗法。雖有無數數不能及。如空劫時。無佛名。無衆生名。與麼時。正是道。只是無人覺知見他。數不及他。喚作無名大道。早屬名句了也。所以真理一如。更無思想。才有思想。即被陰拘。便有衆生名。有佛名。今日既如是會道。卽無量劫來。六道四生。皆有去來。是暫時行履處。先聖本行集云。我無所不行。一切衆生。雖在如是行處。爲無了因。故生貪欲。名爲在纏。不得自在。今既如是會。却向裏許行履。不同前時。爲了因會本果。故了陰

界空。六波羅蜜空。所以得其自在。若不向裏向行履。如何推剗得五種貪。二種欲。不守住聲聞。隨於劫數。所以諸佛菩薩。具福智二嚴爲了因。了六波羅密空。身體者。个受用。所以不存知見。始得自在。若有知見。即屬地位。便有分劑心量。被因果隔。喚作酬因答果。佛不得自在。所以大聖訶他爲內見外見。情量不盡三障二愚。所以見河能漂杳象。今日行六波羅蜜。先用了因會本果。故了此物。是方便受用。始得自在。亦云方便懃莊嚴。亦云微妙淨法身。具相三十二。只是不許分劑心量。若無如是心。一切行處。乃至彈指合掌。

皆是正因萬善。皆同無終始。得自在。天魔外道。求我不得。喚作無住心。亦名無滲智。不思議妙用。自在菩提涅槃。皆是修行人境界。皆屬明句。若會本來。非凡物。卽水不能洗水。何以故。本來無物。故故經云。我王庫中實無如是刀。所以道非明暗。故云性海。不是覺海。覺海涉緣。卽須對物。他便妙用無人覺知。喚作極微細透金水色塵。菩薩所因。喚作受用具。若水不洗水。卽體不是明暗。亦云無滲智。又云無礙智。若如是。卽一切處拘我不得。○如汝所問。元只在因緣邊看。你且不奈何。緣是認得六根門頭事。兄弟莫恁麼尋。

逐不住恁麼不取古人語。行菩薩行。唯一人行天魔波旬領諸眷屬常隨菩薩後覓心行起處。便擬撲倒如是經無量劫覓一念異處不得。方與眷屬禮辭讚歎供養。猶是進修位中下之人。便不奈何。況絕功用處。如文殊普賢更不話他兄弟。作麼生道行是無覓一日行底人不可得。○若以意會。卽思量得也。教中亦云。種種生身。我說爲量。那個不可思議。不是意會得底物。如水裏有水卽有影。若無水時。喚什麼作影。法身由對報化得名。若無報化法身向那邊認。法身亦云是影。經論極則頭。只到法身實入理地。那个早

晚同於經論。經論不管伊如何排遣他。且不到者裏。
大難大難。

學人問大梅和尚師常言神性獨立學人不識乞師指示答阿難教汝問問莫不問者便是不答若不是是阿誰能如是問問神性非是聲色師示問是神性學人只識得聲色不識真性答譬如大寶藏衆寶皆具足上福德人見直捉得明月寶珠薄福德者只見銅鐵非是藏中無寶亦非主藏者不與我今向汝道性不是聲色汝只見聲色我亦無過此神性火不能燒水不能溺須臾能到千里萬里山河石壁不能礙

汝今揚眉動目。彈指發咳。口喃喃問答。總是此性。若是上根者。聞言下便會。中根者。親近善知識。數數聞說。不久還會。若下下根。千偏萬偏。與說元來。不會。雖然記得少許。如破布裏明珠。出門還漏却。

盤山和尚云。大道無中。復誰前後。長空絕跡。何用量之。空既如是。道豈言哉。心月孤圓。光吞萬象。光非照境。境亦非存。光境俱亡。復是何物。譬如擲劍。揮空莫論。及之不及。斯則空輪無跡。劍刃非虧。

之空。卽如是道。莫言苦心。月孤圓。光石萬象。光明無照。境境亦非存。光境俱亡。復是何物。譬如擲劍揮空。莫論及之。不及斯則。空輪無跡。劍刃非虧。章敬暉云。至理亡言。時人不悉。強習佗事。以爲功能。不知自性元非塵境。是个微妙大解脱門。所有鑒覺。

不染不礙如是光明。未嘗休廢。曩劫至今。固無變易。
猶如日輪。遠近斯照。雖及衆色。不與一切和合。靈燭
妙明。非假鍛鍊。爲不了故。取於物像。但如捏目。妄起
空花。徒自疲勞。枉經劫數。若能返照。無第二人。舉措
施爲。不虧實相。

大珠和尚初參馬祖。祖曰：來此擬須何事？曰：來求佛法。祖曰：我者裏一物也，無求甚麼？佛法自家寶藏，不顧拋家散走作麼？曰：阿那箇是慧海寶藏？祖曰：即今問我者是汝寶藏。一切具足，更無欠少。使用自在，何假外求？○大珠頓悟入道要門論云：問經云：不見有

無卽真解脫。何者是不見有無答。證得淨心時。卽名有。於中不生得淨心想。卽名不見有也。得想無生無住。不得作無生無住想。卽是不見無也。楞嚴經云。知見立知。卽無明本。知見無見。斯卽涅槃。亦名解脫。問正見物時。見中有物。不答見中不立物。正見無物時。見中有無物。不答見中不立無物。○對一切善惡悉能分別。是慧於所分別不起愛憎。不隨所染。是定。卽是定慧等用也。譬如明鏡。想像之時。其光動不不也。不照時。亦動不不也。何以故。爲鏡用無情明照。所以照時不動。不照亦不動。爲無情之中。無有動不動故。

又如日光照世之時。其光動不不也。若不照時。動不不也。何以故。爲光無情。故用無情光。照亦無動不動。故照者是慧。不動是定。菩薩用是定慧。得三菩提。故曰定慧等用。卽是解脫。○講止觀。座主問師。辨得魔不。師曰。起心是天魔。不起心是陰魔。或起不起。是煩惱魔。我正法中。無如是事。問一心三觀。義師曰。過去心已過。未來心未至。現在心無住。中間用何心起觀。曰。禪師不解止觀。師曰。座主解不。曰解。師曰。智者大師說止破止。說觀破觀。住止沒生死。住觀心神亂。爲當將心止心。爲復起心觀觀。若有心觀。是常見法。若

無心觀。是斷見法亦有亦無成二見法。請座主子細說曰。若如是問。俱說不得也。師曰。何曾止觀。○佛法無種。應物而現。若心真也。一切皆真。若有一法不真。真義則不圓。若心幻也。一切皆幻。若有一法不幻。幻義則有定。若心空也。一切皆空。若有一法不空。空義則不圓。逃時人逐法悟。罷法由人森羅萬象。至空而極百川衆流。至海而極。一切賢聖。至佛而極。十二部經五部毗尼。四圍陀論。至心而極。心是總持都院。萬法之原。亦是大智慧藏。無住涅槃。百千名號。皆是心之異名。

無業國師云。學般若菩薩。不得自謾。如冰凌上行。似劍刃上走。臨終時。一毫凡情聖量。不盡纖塵思念。未忘隨念。受生輕重五陰。向驢胎馬腹裏託質。泥犁鑊湯裏煮爛。一徧了。從前記持憶想。見解智慧都盧。一時失却。依前再爲蠻蟻從頭又作蚊虱。雖是善因。而遭惡果。只爲貪欲成性。二十五向脚跟下繫著。無成辦之期。大丈夫兒。如今直下便休歇去。頓息萬緣。越生死流。巍巍堂堂三界獨步。

楊岐甄云。群靈一源。假名爲佛。體竭形銷而不滅。水流朴散而常存。性海無風。金波自湧。心靈絕兆。萬象

齊照如何肯覺。反合塵勞於陰界中。妄自囚執。

藥山和尚示衆汝見律師說尼薩耆突吉羅最是生死本窮生死且不可得上至諸佛下至螻蟻盡有此長短好惡大小不同若也不從外來何處有閒漢掘地獄待你欲識地獄道只今鑊湯煎煮者是欲識餓鬼道卽今多虛少實不令人信者是欲識畜生道現今不識仁義不辨親疎者是豈須披毛戴角斬割倒懸欲識人天只今清淨威儀持鉢持鉢者是切須保任免墮諸趣第一不得棄者个者个不是易得須向高高山頂立深深海底行此處行不易方有少相

應恁麼道。猶是三界邊事。莫向衲衣下空過到者裏。
更微細在。○藥山夜坐次。僧問兀兀地思量个甚麼。
山曰。思量个不思量底。曰。不思量底如何思量。山曰。
非思量。僧問蜀州西禪。如何是非思量處。禪云。誰見
虛空夜點頭。丹霞頌云。一點靈光六不收。昭然何用
點頭。○更疑眸子中消息人難委。獨有虛空暗
點頭。○僧問已事未明。乞和尚指示良久。曰。吾今爲汝
道一句。也不難。祇宜汝於言下便見去。猶較些子。若
更一思量。成吾罪過。不如且各合口。免相累及。
丹霞和尚云。汝等保護一靈之物。不是汝造作得。不
是汝詔逸得。吾此地無佛。無涅槃。亦無道可修。無法

可證道不屬有無。更修何法。唯此餘光。在在處處。則是大道佛之一字。永不喜聞。阿你自看。善巧方便。慈悲捨不從外得。不著方寸。善巧是文殊。方便是普賢。你更擬趁逐什麼。若識得釋迦。卽老凡夫是。

大顛初參石頭頭問那個是汝心。師曰見言語者是
頭便喝出。經旬日却問前者既不是除此外何者是
心頭。曰除却揚眉瞬目一切事外直將心來。師曰無
心可來。頭曰元來有心。何言無心。無心盡同謗。師言
下大悟。上堂云但除却一切妄運想念現量。卽是真
心。此心與塵境及守寂默時全無交涉。總機
隨照。冷冷自用窮。其用處了不可得。

隨照冷冷自用窮其用處了不可得

卷終

佛弟子泰和蕭孟昉開板

80

1 2 3 4 5 6 7 8 9 100

二一十三